

駐

粵

八

旗

志

駐粵八旗志卷六目錄

經政略

官兵俸餉

養贍生息

右司庫項

官兵菜鹽

駐粵八旗志卷六

俸餉

將軍 歲支俸銀一百八十兩心紅紙張銀一百

五十兩

均按二八月分

養廉銀一千五百兩

按月

家口

六十口大建支米十五石小建支米十四石四斗

九升六合

旗倉支

儀從四十八名每名月支銀五錢

除六箇月小建共銀四兩八錢實歲支銀二百八

十三兩二錢

南番二縣按季申解

每歲計俸養廉心紅儀從共銀二千一百十三

兩二錢米除六箇月小建三石零二升四合實

支一百七十六石九斗七升六合

謹按將軍原定養廉名糧銀一千九百二十兩又米折草料銀二百一十四兩二錢嗣於乾隆三十三年

欽定將軍養廉案內減去銀一百二十兩實支銀一千八百兩連米折草料合計歲支養廉銀二千一十四兩二錢又另有養廉米三百六十石家口米一百八十石馬匹料米草折銀二百九十七兩三錢六分俱按年支給四十一年六月經軍機大臣議奏新設四川成都將軍將各省將軍養廉通查勻派其養廉家口米石並馬乾銀兩俱減除不支惟支養廉銀一千五百兩四十二年五月欽奉

恩旨各該將軍內有應得本色米一百八十石准仍舊支

食焉

乾隆四十二年二月二十五日准廣東巡撫咨為請

旨事據廣東布政使姚成烈會同廣東糧驛道福川詳稱

案驗乾隆四十二年正月十八日准戶部咨廣東

司案呈乾隆四十一年十月二十九日准廣東巡撫咨稱據布政使姚成烈詳稱奉准部咨各駐防

將軍養廉及米豆草束合計銀兩均以一千五百

兩為率其新設之成都將軍亦照一千五百兩支

給等因茲准八旗右司協領移開將軍每年養廉

銀二千一十四兩二錢米折草折在內按月支領

遇開支俱以養廉字樣造報今奉文行以一千

五百兩為率應否將米豆草束作何合並計算扣

減造報並具奉文之日起裁減造報之處移司查

辦前來本司案查廣州將軍原額定養廉名糧銀

一千九百二十兩又米折草折銀二百一十四兩

二錢嗣於乾隆三十三年

欽定將軍養廉案內奉准部覆將軍養廉減去銀一百二

十兩定支銀一千八百兩又米折草折銀二百一

十四兩二錢合計共銀二千一十四兩二錢均以

養廉名目支領造報奏銷註明米折草折在內字

樣開造在案今奉文開單廣州將軍養廉定銀一千五百兩似應將養廉米折草折合計銀二千一十四兩二錢之內裁減銀五百一十四兩二錢實支養廉銀一千五百兩照從前

欽定將

軍養廉之例統以養廉名目支領造報毋庸以米折草折字樣聲叙並請以奉文之日起減支造報等情相應咨達等因查廣州將軍原定養廉名糧銀一千九百二十兩又米折草折銀二百一十四兩二錢共銀二千一百三十四兩二錢嗣於乾隆二十三年

欽定將

軍養廉案內減去銀一百二十兩實支銀一千八百兩米折草折銀二百一十四兩二錢合計歲支養廉銀二千一百四十四兩二錢又該將軍另有養廉家日本色米五百四十石馬匹料米草折銀二百九十七兩三錢六分俱係按年支給造報奏銷本年六月內經軍機大臣議奏新設四川成都將軍將廣州將軍名糧項下養廉米三百六十石馬匹草料折銀二百九十七兩三錢六分均照定例於奉文之日一併減除造報相應知照該將軍並鑲藍旗滿洲都統查照仍咨覆該撫可也等因咨院行司奉此依經備移查照減除去後茲准八旗右司協領移稱奉滿洲漢軍副都統文開查廣州將

欽定每

軍除歲支養廉銀外所有養廉米石並馬乾銀兩俱已減除不行支領今副都統等歲支養廉家口米石並馬乾銀兩或仍遵照舊例按數支領或應作何辦理之處飭令移詢等因移會到司准此該廣東布政使姚成烈署廣東糧驛道福川會看得廣州滿洲漢軍副都統二員先於乾隆三十年間員歲支養廉銀七百兩米草折銀一百九兩二錢又舊定家口本色米一百零五石養廉本色米一百八十八石坐馬十五匹料米草折銀一百四十八兩六錢八分遞年照例按月關支年底彙造報銷在案今准入旗右司協領移稱廣州將軍歲支養廉新減定一千五百兩外其家口養廉米石並馬乾銀兩俱已減除不支惟副都統等歲支家口養廉米石及馬乾銀兩應否仍遵照舊例按數支領或應如何辦理之處移詢前來本司道等伏查本案原因添設成都將軍是以將各省駐防將軍養廉均定以一千五百兩為率續又奉准部行將廣州將軍養廉米三百六十石家口米一百八十石並馬乾銀兩折銀二百九十七兩三錢六分均照定例於奉文之日一併減除造報等因其副都統員下之歲支養廉米家口米及馬乾銀兩未經議及事關舊定章程其應否照舊支領及作何辦理

之處本司道等未敢懸擬相應詳請查覈咨明戶部示覆遵照辦理

副都統 歲支俸銀一百五十五兩二八月分養廉

銀八百零九兩一錢九分六釐米草折銀在家口內按月分支

三十五口大建支米八石七斗五升小建支米八

石四斗五升六合旗倉支養廉米大建支米十五石

小建支米十四石五斗縣倉支馬八匹歲支馬乾銀

七十九兩二錢九分六釐按月分別大小料建關支原十五匹道光二十

三年酌裁馬乾案內裁減七匹儀從三十名每名月支銀五錢除

六箇月小建銀三兩實歲支銀一百七十七兩南番

二縣按季申解

每歲計俸養廉馬乾儀從共銀一千二百二十

兩零四錢九分二釐米二百八十石零二斗三升六合

謹按乾隆三十年

欽定副都統歲支養廉銀七百兩米草折銀一百九兩二錢又舊定家口本色米一百零五石養廉本色米一百八十石坐馬十五匹料米草折銀一百四十八兩六錢八分遞年照例關支四十一年添設成都將軍時將各省將軍通查勾派除

盛京伊犁外均定一千五百兩爲率其家口養廉米石並馬乾銀兩俱已減除四十二年經廣東巡撫咨請部示兩副都統歲支養廉家口米石及馬乾

銀兩應否照舊支領續奉部覆各省將軍應得本色米石已奉

恩旨准其仍舊支食所有副都統每年應領養廉銀米等

項自未便另行覈辦遂仍舊支領焉

乾隆四十二年七月准

欽定每

部咨廣東司案呈准廣東巡撫李質穎咨稱廣州滿洲漢軍副都統二員先於乾隆三十三年間又舊定家口本色米一百零五石養廉本色米一百八十五石坐馬十五匹料米草折銀一百四十八兩六錢八分遞年照例開支在案於廣州將軍歲支養廉新減定一千五百兩外其家口養廉米石並馬乾銀兩俱已減除不支其副都統員下之歲支養廉家口米石及馬乾銀兩應否照舊支領相應請部示覆等因前來查駐防將軍養廉等項先於上年添設成都將軍案內經軍機大臣將各處將軍歲支養廉銀米豆草折合併計算概以一千五百兩為率以歸平允等因奏准在案今據該撫以將軍米石既裁其副都統應支米石應否仍行

支給咨部示覆等因查駐防將軍應得銀米現於

諭上年因新設成都將軍時將各省將軍養廉通查勻
派除盛京伊犁外均定一千五百兩為率但查各該將
軍向有應得本色米石若因勻給養廉停其支食未免
不敷著加恩准其仍舊支給其新設成都將軍並著一
體議給欽此欽遵在案是將軍所得本色米石已奉
恩旨准其仍舊支食所有副都統每年應領養廉銀米等
項自未便另行覈辦相應咨覆該撫可也

將軍衙門筆帖式 歲支俸銀二十一兩一錢一

分四釐二八月米大建支一石零四合八勺小建

支九斗七升一合二勺閏月馬三匹歲支馬乾銀

二十九兩七錢三分六釐按月

每歲俸馬乾共銀五十兩零八錢五分米一十

一石八斗五升六勺九品筆帖式照此支領如由生監考取補用八品筆

照
方
帖式歲支俸銀二十八兩米一十四石由舉貢
考取補用七品筆帖式歲支俸銀三十三兩米
一十六石五斗均
每月支馬乾四匹

協領

歲支俸銀一百三十兩

二八月分支

家口三十

口大建支米七石五斗小建支米七石二斗四升

八合

按月關支

馬六匹歲支馬乾銀五十九兩四錢七

分二釐

按月關支原十二匹道光二十三年酌裁馬乾案內裁減六匹

每歲計俸馬乾共銀一百八十九兩四錢七分

二釐米八十八石四斗八升八合

佐領、歲支俸銀一百零五兩

二八月分支

家口二十

口大建支米五石小建支米四石八斗三升二合

按月關支

馬四匹歲支馬乾銀三十九兩六錢四分八

釐

按月關支原八匹道光二十三年酌裁馬乾案內裁減四匹

每歲計俸馬乾共銀一百四十四兩六錢四分

八釐米五十八石九斗九升二合

防禦

歲支俸銀八十兩

二八月分支

家口十四口大

建支米三石五斗小建支米三石三斗八升二合

四勺

按月關支

馬三匹歲支馬乾銀二十九兩七錢三

分六釐

按月關支原五匹道光二十三年酌裁馬乾案內裁減二匹

每歲計俸馬乾共銀一百零九兩七錢三分六

釐米四十一石二斗九升四合四勺

驍騎校

歲支俸銀六十兩

按月關支

家口十二口大

建支米三石小建支米二石八斗九升九合二勺

按月關支馬二匹歲支馬乾銀十九兩八錢二分四釐

按月關支原四匹道光二十三年酌裁馬乾案內裁減二匹

每歲計俸馬乾共銀七十九兩八錢二分四釐

米三十五石三斗九升五合二勺

步軍營

光緒九年以水師為步軍官兵俸餉米百等項悉仍其舊

協領歲支俸銀一百三十兩

二八月心紅紙張

銀七十兩

二八月分支

家口三十口正二月大建支米

七石五斗小建支米七石二斗四升九合八勺

按月

關支其餘十箇月大建支米六石小建支米五石七

斗四升九合八勺三月起至十二月止每月折色

米一石五斗共折米十五石折銀十兩零五錢每

石折銀七錢每月折色米銀一兩零五分按折米月關支

馬五匹歲支馬乾銀四十九兩五錢六分按月關支

每歲計俸心紅折色米馬乾共銀二百六十兩

零六分米七十三石四斗九升八合八勺

佐領 歲支俸銀一百零五兩二八月分支家口二十

口正二月大建支米五石小建支米四石八斗三

升三合二勺其餘十箇月大建支米四石小建支

米三石八斗三升三合二勺三月起至十二月止

每月折色米一石共折色米十石折銀七兩按折米月

關支馬四匹歲支馬乾銀三十九兩六錢四分八釐

按月關支

每歲計俸折色米馬乾共銀一百五十一兩六

錢四分八釐米四十八石九斗九升九合二勺

防禦 歲支俸銀八十兩

二八月分

家口十四口正

二月大建支米三石五斗小建支米三石三斗八

升三合二勺四抄其餘十箇月大建支米二石八

斗小建支米二石六斗八升三合二勺四抄三月

起至十二月止每月折色米七斗共折色米七石

折銀四兩九錢

按折米月關支

馬三匹歲支馬乾銀二十

九兩七錢三分六釐

按月關支

每歲計俸折色米馬乾共銀一百一十四兩六

錢三分六釐米三十四石二斗九升九合四勺

四抄

驍騎校

歲支俸銀六十兩

按月關支

家口十二口正

二月大建支米三石小建支米二石八斗九升九

合九勺二抄其餘十箇月大建支米二石四斗小

建支米二石二斗九升九合九勺二抄三月起至

十二月止每月折色米六斗共折色米六石折銀

四兩二錢

按折米月關支

馬二匹歲支馬乾銀十九兩八

錢二分四釐

按月關支

每歲計俸折色米馬乾共銀八十四兩零二分

四釐米二十九石三斗九升九合五勺二抄

世職俸祿

三等輕車都尉 歲支俸銀一百六十兩 二八月分支

大建支米六石六斗六升六合七勺小建支六石

四斗四升四合四勺 按月關支

騎都尉 歲支俸銀一百一十兩 二八月分支 大建支

米四石五斗八升三合三勺小建支四石四斗三

升零五抄 按月關支

雲騎尉 歲支俸銀八十五兩 二八月分支 大建支米

三石五斗四升一合六勺小建支三石四斗二升

三合五勺 按月關支

恩騎尉 歲支俸銀四十五兩 二八月分支 大建支米

一石七斗九升一合七勺小建支一石七斗三升

一合九勺

按月關支

八品廕監

歲支俸銀四十兩

二八月分支

米二十石

按月關支

按將軍副都統俸心養廉儀從及協佐防校筆帖式世職俸並水師協領心紅均於道光二十四年奉文減平其養廉銀兩向例遇閏不增咸豐三年奉文停給二成六年改爲停給一成其餘九成仍照舊減平又儀從銀兩遇閏加增於咸豐八年查照新章覈減二成其餘入成仍照舊減平又將軍心紅小建不扣水師協領心紅小建扣除

前鋒領催

月支餉銀三兩家口十口大建月支

米二石五斗小建月支米二石四斗一升六合馬

二匹每月扣除幫餉馬銀四錢歲支馬乾銀一十

五兩零二分四釐

按月關支

每歲計餉馬乾共銀五十一兩零二分四釐米

二十九石四斗九升六合

入旗米石係計口授食每石應養四口小

建每口除米
八合四勺

馬甲 月支餉銀二兩折色米五斗折銀三錢五

分扣除六箇月小建銀一錢二分九釐零實歲支

銀四兩

按月關支

家口十口除二口折色米銀外實支

八口大建月支米二石小建月支米一石九斗三

升二合八勺馬二匹馬乾銀與前鋒領催同

按月關支

每歲計餉馬乾折色米共銀四十三兩一錢五

分三釐米二十三石五斗九升六合八勺

礮手 月支餉銀二兩家口八口大建月支米二

石小建月支米一石九斗三升二合八勺

每歲計餉銀二十四兩米二十三石五斗九升

六合八勺

鐵彌匠月支餉銀一兩家口八口大建月支米二

石小建月支米一石九斗三升二合八勺

按月關支

每歲計餉銀十二兩米二十三石五斗九升六

合八勺

副甲月支餉銀一兩折色米二斗五升折銀一

錢七分五釐扣六箇月小建銀六分四釐零實歲

支銀二兩

按月關支

馬一匹每月扣除幫餵馬銀二錢

歲支馬乾銀七兩五錢一分二釐

按月關支

家口五口

除一口折色米銀外實支四口大建月支米一石
小建月支米九斗六升六合四勺

每歲計餉馬乾折色米共銀二十一兩五錢七
分六釐零米十一石七斗九升八合四勺

步甲 月支餉銀一兩家口四口大建月支米一
石小建月支米九斗六升六合四勺

每歲計餉銀十二兩米十一石七斗九升八合
四勺

無米礮手 月支餉銀二兩

每歲計餉銀二十四兩

餘兵 月支餉銀一兩

每歲計餉銀十二兩

滿洲養育兵 月支餉銀一兩
大建月支米五斗
小建月支米四斗八升三合二勺

每歲計餉銀十二兩米五石八斗九升九合二勺

漢軍無米養育兵 月支餉銀五錢

每歲計餉銀六兩

步軍領催原水師領催 月支餉銀三兩米正二月大建

支米一石小建支米九斗六升六合六勺六抄其
餘十箇月大建支米八斗小建支米七斗六升六
合六勺六抄三月起至十二月止每月折色米二

斗共二石折銀一兩四錢按月關支

每歲計餉折色米共銀三十七兩四錢米九石

七斗九升九合九勺六抄

該營米石不按家口計日授食小建每石

扣除三升三合三勺三抄

新改步甲

原水師兵

月支餉銀二兩米並折色米與領

催同

每歲計餉折色米共銀二十五兩四錢米九石

七斗九升九合九勺六抄

副步甲

原副工兵及木臉匠

月支餉銀二兩米正二月大建

支米三斗小建支米二斗九升其餘十箇月大建

支米二斗四升小建支米二斗三升三月起至十

二月止每月折色米六升共米六斗折銀四錢二

分

按月
關支

每歲計餉折色米共銀二十四兩四錢二分米

二石九斗四升

原水師旗營副工兵一百名木匠二名廕匠二名俱於光緒九

年一律改爲副
步甲餉米數同

如遇閏月之年除俸心紅銀兩按照二八月關支
外養廉銀兩分爲十三箇月關支儀從銀按閏月
加支兵餉照數按月關支馬乾銀按大小建大小
料月分關支家口養廉米按大小建關支

養贍生息分給滿漢八旗銀兩數目

滿洲

鑲黃旗生息十六分

正白旗生息十二分

正黃旗生息十二分

正紅旗生息十九分

鑲白旗生息三十分

正藍旗生息八分

鑲紅旗生息二十四分

鑲藍旗生息四十五分

以上滿洲八旗生息共一百六十六分每分每月

銀五錢每季分撥銀二百五十兩除散放外每季
剩銀一兩存儲右司視所存銀數多寡隨時增減
一分

漢軍

鑲黃旗生息二百三十九分

正白旗生息二百六十三分

正黃旗生息四百五十一分

正紅旗生息三百分

鑲白旗生息一百二十三分

正藍旗生息八十八分

鑲紅旗生息一百二十二分

鑲藍旗生息八十分

以上漢軍八旗生息共一千六百六十六分每分
每月銀二錢每季分撥銀一千兩除散放外每季

剩銀四錢存儲右司視所存銀數多寡隨時增減

一分

謹按道光九年九月將軍慶保副都統巴杭
阿興住會同總督李鴻賓巡撫盧坤等

奏

廣州駐防滿洲漢軍戶口繁增謀生計拙自應酌

籌調劑以資養贍飭據藩司查有庫存扣儲平餘

並武職空缺養廉及米耗糶價盈餘等三款內撥

銀八萬兩發交鹽商週年一分行息遇閏不加每

年可得息銀八千兩按季提存藩庫以三千兩歸

還原本以五千兩解儲旗庫分給旗丁以資養贍

計二十六年零八箇月可將原本清還俟歸還原

欸之後所得息銀統歸旗庫俾調劑益臻寬裕每

年將分給數目年終造冊報明將軍並督撫等衙

門查覈毋庸報部覈銷又附

奏

查嘉慶十五年前將軍臣慶溥等奏准將旗營存

儲藩庫馬價穀價銀四萬六千餘兩發商生息挑

選漢軍養育兵一千一百餘名一案原奏並未議及作何歸款歷年所得利息銀僅敷養育兵糧之用伏查馬價及穀價銀兩雖皆存儲藩庫究非例應報撥之款可否仰懇

天恩將此二項銀兩永遠生息免還本銀十月十六日內閣奉

諭慶保等奏駐防旗人生齒日繁請借項生息俾資養贍一摺廣州駐防滿洲漢軍閑散旗丁食指浩繁生計日形竭蹶自應酌量籌款調劑據該將軍等查明該處司庫報部雜項各款內有扣儲平餘一款可撥銀三萬三千兩武職空缺養廉一款可撥銀二萬五千兩米耗難價盈餘一款可撥銀二萬二千兩著照所請准其於此三款內如數借撥發商具領週年一分行息遇閏不加每年所得利息銀八千兩按季提存藩庫以三千兩歸還原本以五千兩解儲旗庫酌量分給閑散旗丁以資養育計二十六年零八箇月可將原本全數歸還俟歸足本銀之後仍永遠生息將所得利息銀統歸旗庫其二十六年零八箇月每年所得利息銀三千兩按年造入扣儲平餘武職空缺養廉米耗糶價盈餘等款新收項下報部查覈其五千兩酌量分給閑散旗丁每年年終造冊報明將軍並督撫等衙門查覈毋庸報部覈銷至另片奏請將馬價穀價銀兩永遠生息免還本銀之處著

該部議奏欽此隨經戶部議覆以前借馬價穀價銀四

萬六千二百八十兩發商生息添設無米養育兵

一千一百一十一名當日原奏並未議及作何歸

欵今據該將軍奏請永遠生息免還本銀奉

旨交部

議覆伏查庫儲銀兩遇有借支生息無不歸還原

本茲據奏稱前項利息銀僅敷養育兵糧之用難以

議合抽撥歸欵查現在奏請借支司庫銀八萬兩

交商生息每年應得利息銀八千兩以三千兩歸還

原本以五千兩調劑旗戶業奉

諭旨允

准本部公同酌議應請將此項生息每年提還原

本銀三千兩歸足現借銀八萬兩之後仍令按年

提銀三千兩歸還前借馬價穀價銀四萬六千二

百八十兩俟借項全完再將每年所得利息銀統歸

旗庫等因覆奏奉

旨依議

欽此

道光九年十二月內經署將軍巴杭阿副都統興

住片

奏

現撥藩庫銀八萬兩交商一分行息週年計得息

銀八千兩內撥銀三千兩歸還原欵其餘五千兩

酌議滿洲八旗分給銀一千兩漢軍八旗分給銀

四千兩所有並無養贍及不敷養贍者分別調劑

每分以五錢較算等因具

奏奉

硃批依議欽此

道光十年十月內經將軍慶保副都統興仕等奏竊奴才慶保本年同任查得滿洲八旗應需調劑者一百六十餘名每年分撥息銀一千兩每名每月散給銀五錢足資調劑漢軍八旗應需調劑者一千一百餘名每年分撥息銀四千兩若每名每月散給銀五錢不敷調劑請均勻散放改爲每名每月給銀三錢等因具

奏奉

硃批依議欽此

道光二十四年十月內經將軍阿精阿副都統裕瑞以漢軍八旗應需調劑人數加增分撥息銀每名每月給銀三錢猶不敷調劑酌議再爲均勻改爲每名每月給銀二錢遞年滿漢八旗造冊報明將軍督撫衙門查覈

新增養贍生息分給滿漢八旗銀兩數目

滿洲八旗每旗生息四分共新增生息三十二分每分每月銀五錢每季分撥銀四十八兩儘數散

放並無餘存

漢軍八旗每旗生息四十分共新增生息三百二十分每分每月銀二錢每季分撥銀一百九十二兩儘數散放並無餘存

謹按同治八年四月兩廣總督兼署將軍瑞麟副都統長順穆輅等

奏

滿漢八旗駐防年久生齒日繁兵丁家口現在增至三萬三百餘人其未食錢糧閑散才質可造者

現有一千三百餘名得缺維艱謀生計拙請於旗

庫存儲馬價項下撥銀四千兩資助項下撥銀六

千兩共撥銀一萬兩發交典商每兩一分行息遇

閏加增每年可得息銀一千二百兩以二百四十

兩歸還原本以九百六十兩分給八旗按照原設

養贍生息章程滿洲每名每月給銀五錢漢軍每

名每月給銀二錢以資養贍俟歸還原欸仍永遠

生息將所得息銀統歸八旗俾調劑益臻寬裕每

年歸欸銀兩按年造入馬價及資助新收項下報

部查覈其分給旗丁息銀每年年底造冊呈報查

馬

人

卷一

三

覈毋庸報部覈銷等因具

奏奉

旨著照所請該部知道欽此

右司庫項

目錄

兵丁賞項項下賞給滿漢八旗及水師旗營兵丁

銀兩數目

加賞白事項下分別加給賞銀數目

官兵借項項下借給各項官兵銀兩數目

備借穀價項下年終借給各兵銀兩數目

賞還馬價項下賞給老病出缺之兵銀兩數目

籌備修補軍裝項下支給各項銀兩數目

生息原案附後

餵馬用剩項下支給各項銀兩數目

原額裁減實
拵餵養附後

舉人資助項下支給各項銀兩數目

旅費項下支給在京供職各項人員銀數

公用房租項下支給各項銀兩數目

羣房地租項下支給各項銀兩數目

裁汰兵房租項下支用欸目

兵丁賞項項下賞給滿漢八旗及水師旗營兵

丁銀兩數目

一前鋒領催馬甲礮手匠役白事賞銀十兩

原紅事賞

銀六兩咸豐

五年停止

一副甲無米礮手白事賞銀六兩

原紅事賞銀五兩咸豐五年停止

止

一步甲養育兵餘兵白事賞銀五兩

原紅事賞銀三兩咸豐五

年停止

一孀婦孤子白事賞銀六兩

原紅事賞銀三兩咸豐五年停止

一食養育兵錢糧隻身寡婦白事賞銀六兩

原紅事賞

銀三兩咸豐

五年停止

一水師領催白事賞銀七兩

原紅事賞銀六兩
咸豐五年停止

一水師兵副工兵木船匠白事賞銀六兩

原紅事
賞銀五

兩咸豐五年停止光緒九年改水師爲步
軍該營領催兵等賞銀仍照舊數賞給

賞項條例

一現食錢糧人等之祖父母病故其祖父若係閑
散准照所食錢糧賞給

一現食錢糧人等之父母病故其父若係閑散准
照所食錢糧賞給

一現食錢糧人等本身病故照所食錢糧賞給

一養育兵病故年在十歲以上者方准賞給九歲
以下者否其祖父母父母病故若係閑散不論年

歲仍准賞給

一具呈告退原品休致不食俸官員因病停俸世職本身妻室病故視其子孫所食錢糧賞給如無子或子幼未當差者照馬甲例賞給

一革職勒休官員本身及妻室病故視其子孫所食錢糧賞給如無子或子幼未當差者照養育兵例賞給

一革退兵丁本身及妻室病故視其子孫所食錢糧賞給如無子或子幼未當差者照養育兵例賞給

一具呈告退兵丁本身及妻室病故視其子孫所

食錢糧賞給如無子或子幼未當差者照原食錢糧賞給

一孀婦病故視其子孫所食錢糧賞給如無子或子幼未當差者其夫原係職官照領催例賞給係告休職官照馬甲例賞給係革職勒休官照養育兵例賞給

一孀婦病故視其子孫所食錢糧賞給如無子或子幼未當差者其夫原係食餉兵丁及因病告退者照其夫原食錢糧賞給若係革退兵丁及閑散人等俱照養育兵例賞給

一現食

恩賞錢糧之鰥寡孤獨人等本身病故照養育兵例賞給

一閑散進士及候補候選文武微員遇有祖父母

父母病故

祖父係閑散

本身妻室病故白事嫁女紅事

照馬甲例賞給娶妻則視其父所食錢糧賞給如

父已故方視其胞兄賞給如父兄俱不在得賞之

例者照馬甲例賞給

紅事賞銀成豐五年停止

一兵丁祖父母父母病故若有子孫多人但視其

應得之一人賞給

一閑散舉人及貢監生員人等遇有祖父母父母

病故本身妻室病故白事嫁女紅事照養育兵例

賞給娶妻則視其父所食錢糧賞給如父已故方

視其胞兄賞給如父兄俱不在得賞之例者照養

育兵例賞給

紅事賞銀咸豐五年停止

一自幼殘疾未經挑差之閑散人等本身及妻室

病故視其子孫所食錢糧賞給如無子或子幼未

當差者照養育兵例賞給娶妻則視其父所食錢

糧賞給如父已故方視其胞兄所食錢糧賞給若

父兄俱不在得賞之例者仍照養育兵例賞給

紅事

賞銀咸豐五年停止

一食養育兵錢糧孀婦紅白事件照孀婦孤子例

賞給

紅事賞銀咸豐五年停止

一養育兵娶妻視其父所食錢糧賞給如父已故

方視其胞兄賞給如父兄均不在得賞之例者照

本身賞給

此條於咸豐五年停止

一嫁女之家視其父所食錢糧賞給如父已故方

視其同胞伯叔兄弟承辦其事之人賞給如伯叔

兄弟均不在得賞之例者照養育兵例賞給

此條於咸豐

五年停止

一駐防兵丁娶民人之女爲妻者准照各該處紅

事實銀數目一體賞給

此條於咸豐五年停止

一八旗官員兵丁生子嗣之妾在夫以後身故者

無論有無嫡母繼母照依宗室覺羅之例按伊子

品級職分賞給

一八旗兵丁因病物故及自盡身死者該旗查明實無畏罪情由取具叅佐領等印結送部准照病故兵丁之例給與白事賞銀其未完庫銀准其寬免伊妻孀婦仍照伊夫原食錢糧之半支給週年一孀婦如有因病物故及自盡身死者該旗查明實無畏罪情由出具叅佐領等印結送部准照病故之例給與白事賞銀

一八旗兵丁被毆身死經刑部將行克之人治罪擬抵者白事賞銀並伊妻孀婦週年半餉准照病故兵丁之例一體支給

上諭在

謹按雍正七年五月欽奉
於藩庫支領銀二萬兩營運生息遇有兵丁紅白

事件分別賞給

乾隆十二年六月將軍錫特庫

奏

准廣州設立水師旗營所有領催兵紅白事件無

項賞給請將八旗賞兵餘息銀內撥出銀五千兩

借商每兩以一分五釐起息所得息銀遇有水師

旗營領催兵紅白事件照福州之例一體賞給

光緒九年將軍長善等

奏

准將水師改爲步軍所有領催兵等紅白事實項

照舊數支領

乾隆三十四年正月將軍增海副都統胡圖禮劉

沛德等

奏

准將漢軍八旗馬甲一千五百名內裁汰二百名

改爲步甲四百名如遇紅白事件准照馬甲所得

賞銀減半賞給

乾隆三十四年四月內奉文停止生息所有原領

帑本銀兩統限二年完繳其賞兵紅白銀兩每年

四季按照息銀之數每季先赴藩庫在於地丁項

內八旗支領賞項銀一千三百五十兩水師旗營

支領賞項銀二百二十五兩存儲右司旗庫以備

賞用若有餘剩以及不敷統於下季解還補領

旨議奏

乾隆四十六年二月准戶部咨開為遵
事內閣抄出杭州將軍王進奏稱竊查杭州兵

恩賞銀

兩於雍正七年經前任將軍阿里衣等奏准所有

委署前鋒校前鋒領催馬甲匠役步甲等遇有祖

父母父母本身妻室六項白事各賞銀八兩及六

兩遇有本身娶妻娶媳聘女三項紅事各賞銀五

兩及四兩又於乾隆十一年原任將軍薩爾哈岱

等復將孀婦孤獨等一並列入奏准賞給至乾隆

四十四年經乍浦副都統勒克查出該處已故官

員之妻病故其子孫領催馬甲即照領催馬甲分

例支給銀兩將該管官參處又本年三月內杭州

革退佐領德申及德申之妻病故前任將軍傅玉

以德申之子元能現係馬甲照例支給賞銀伏思
兩原當均平畫一辦理不應各處參差伏乞
皇上敕部遇有此項已故官員之妻病故伊等子孫係領
催馬甲者應否按照伊等祖父父母病故之例
支給賞銀之處畫一定議等因一摺奉
硃批該部議奏欽此欽遵抄出到部臣等查在京八旗兵
丁紅白事件
恩賞則
例凡現食錢糧人等之祖父父母父母病故其祖父
原係開散准照所食錢糧賞給又孀婦病故視其

子孫所食錢糧賞給如無子或子幼未當差者其夫原係職官照領催例賞給係告休職官照馬甲例賞給係革職勒休官照養育兵例賞給臣等伏思除現任官員本有廉俸者原無庸議賞外至已故官員之妻病故時若不照八旗之例賞給未免向隅應如該將軍所請遇有已故官員之妻病故准照伊等子孫所食錢糧賞給並請嗣後凡各處八旗駐防兵丁紅白事件卽照在京八旗兵丁應賞條款各按該處應得銀數賞給等因具

奏奉

旨依議

欽此相應抄錄原奏行文廣州將軍遵照辦理乾隆五十九年正月將軍福昌副都統聖保張漢傑

奏

准將滿洲縣空馬甲二百缺改爲副甲四百缺如遇紅白事件准照水師一體賞給

道光二十一年九月將軍阿精阿副都統裕瑞國勒明阿等

奏

准將額馬九百六十匹內裁減四百六十匹添設無米礮手四百名如遇紅白事件做照副甲之例賞給

咸豐五年四月准布政使司江國霖移行右司內開自咸豐五年起將兵丁紅事賞銀暫行停止其

白事賞銀照舊支給又於咸豐六年三月准該司
移開所有兵丁白事賞銀應行籌款支給茲查有
司庫扣存平餘彌補庫虧項內每年堪以留支銀
一萬八千餘兩嗣後各營遞年請領白事賞銀應
在此項銀兩動支又於咸豐七年閏五月內准該
司移開嗣後滿漢八旗及水師旗營白事賞銀每
年以三千一百五十兩爲額切勿逾額多支致礙
造報
再查此項白事銀兩按季將應賞花名數目造冊
由右司移行藩司請領一年完日將支銷細數造
冊移送藩司彙覈轉造詳請
題銷

加賞白事項下分別加給賞銀數目

一前鋒領催馬甲礮手匠役及水師領催遇有白事除例賞外每名加賞銀八兩

一副甲步甲無米礮手養育兵餘兵無米養育兵閑散寡婦及水師兵副工兵木船匠遇有白事除

例賞外每名加賞銀五兩

謹按光緒二年七月將軍長善副都統果勒敏

奏為廣州駐防兵丁家日日衆積累日深現擬借貳生息酌加白事賞銀以廣

皇仁而資整頓恭摺具

奏仰祈

聖鑒事竊據滿漢八旗及水師旗營協領等呈稱查兵

丁賞項向在藩庫每年領銀六千三百兩存儲旗

庫遇有紅白事件隨時賞給嗣於咸豐五年奉文

停支紅事賞銀其白事賞銀改為每年領銀三千

一百五十兩不得逾額多支第旗營兵丁生齒日

繁近年積欠價益貴所得錢糧原有定數在節儉者

亦不過催敷養贍斷難望其盈餘猝遇白事需用較紅事更多且復迫不及待平時既無蓄積典當又無餘物所仰望者惟在賞項一端而額數有定未能多領前鋒領催馬甲礮手匠役僅賞銀十兩水師領催僅賞銀七兩副甲無米礮手礮婦孤子水師兵副工兵木船匠僅賞銀六兩步甲養育兵餘兵無米養育兵開散寡婦僅賞銀五兩即使力求樽節亦萬不敷支用勢不得不重利稱貸以濟急需及至事後歸還子母相權債深累重雖舉家枵腹終難清償似此苦况情殊難堪公懇設法調劑加給賞銀俾白事之家不至失所等情前來奴才等湖查旗營兵丁前因軍務欠餉久經坐困迫奴才等先後到任大加整頓力挽頽風數年來治理似有起色欠餉亦漸次補清惟是粵俗好尚奢侈貨值增昂兵丁愚魯無知往往有暫顧目前重利稱貸終身坐困者甚或累重無恥靡所不爲積習爲害不淺現在飭行八旗協佐領等清查兵丁苦累如有借用重利者責令該管領催先將錢糧留贍家口其餘再覈計所借本銀分別清還並嚴禁各領催亦不准希圖重利借給各兵以冀清源節流日漸饒裕茲據該協領等以兵丁遇有白事倍形苦累請加賞銀尙屬實在情形若不設法調

亮終不能去此積習以盡教養之實而裨懲勸之
施但藩庫賞項既有定額未便再議復增奴才等
悉心熟商惟有在於旗庫各款內酌撥銀兩發商
生息似可行之久遠當卽飭據右司協領查得旗
庫餉馬用剩一欸現存銀二萬八千餘兩可撥銀
一萬五千兩舉人資助一欸現存銀一萬六千餘
兩可撥銀五千兩共撥銀二萬兩移會督撫轉交
南番二縣發給典商每兩一分行息每年可得息
銀二千四百兩遇閏可得息銀二千六百兩按季
解交旗庫另欸存儲如前鋒領催馬甲礮手匠役
及水師領催遇有白事除例賞外每名加賞銀八
兩副甲步甲無米礮手養育兵餘兵無米養育兵
閑散寡婦及水師兵副工兵水船匠遇有白事除
例賞外每名加賞銀五兩俾各藉資辦理不致重
利稱貸至收支剩存數目按年造具細數清冊咨
送戶部覈銷其餉馬資助兩欸銀兩除撥用外尙
屬敷用應俟賞剩餘銀積有成數陸續先還餉馬
次還資助歸欵後每年所得息銀統存旗庫以備
源源賞用如此辦理於兵丁生計大有裨益而庫
欸出入亦無窒礙相應據實陳明仰懇
天恩俯念入旗兵丁積累日深遇事竭蹶准其借撥欸
項發商生息加給白事賞銀庶兵情有所體恤而

營務藉此整頓實爲端本善則之道所有籌款生
息酌加白事賞銀以資整頓緣由理合恭摺具
奏伏乞

皇太后

皇上聖鑒訓示遵行謹

奏八月二十五日賁摺回粵奉

旨著照所請戶部知道欽此

光緒九年將軍長善副都統尙昌懋鍾泰等

奏准將水師改爲步軍所有領催兵等白事加賞仍

照舊數支領

官兵借項項下借給各項官兵銀兩數目

一官員進京引

見協領借銀七十兩佐領防禦借銀五十五兩驍騎校

筆帖式借銀四十兩領催前鋒借銀三十兩

一世襲人員進京引

見輕車都尉騎都尉雲騎尉恩騎尉借銀三十兩

謹按原定

官員進京借項所有世襲人員未經議及後俱倣照領催前鋒借給

一賫摺進京官借銀十兩各兵借銀八兩

謹按原定摺差

借項所有餘兵養育兵未經議及後俱一體借給

一西省買馬官借銀二十兩各兵借銀五兩

謹按原定

買馬借項官員未經議及後經酌議借銀二十兩又餘兵養育兵亦未經議及後俱一體借給

一跟隨出洋操演官領催馬甲借銀一兩副甲以

下借銀五錢

謹按原定跟隨出洋借項所有副甲以下未經議及後經酌議借銀五錢

一跟隨將軍副都統進京官借銀二十兩領催前

鋒馬甲借銀十兩副軍以下借銀五兩

謹按原定京差借項

所有副甲以下未經議及後經酌議借銀五兩

一跟隨協領佐領進京領催前鋒馬甲借銀十兩

副甲以下借銀五兩

係做照跟隨將軍副都統之例借給

一官員遇有祖父母父母妻室子媳白事及娶妻

娶媳嫁女紅事協領借銀四十兩佐領借銀三十

兩防禦借銀二十五兩驍騎校筆帖式借銀二十

兩

一世襲人員遇有前項紅白事件輕車都尉借銀四十兩騎都尉借銀三十兩雲騎尉借銀二十五兩恩騎尉及廕監生借銀二十兩

謹按原定官員遇有紅白事故

借項所有世襲人員未經議及後經做照協佐防校借給如世襲未及歲食半俸之半者雲騎尉已

經借過銀六兩其餘未經借過

一各兵遇有前項紅白事件前鋒領催水師領催

借銀八兩馬甲礮手水師兵副工兵借銀六兩弓

匠銅匠鐵匠副甲步甲無米礮手養育兵食養育

兵錢糧寡婦木匠船匠借銀三兩

謹按原定各兵借項時副甲無

米礮手向未設立其借項後經做照水師兵步甲借給後改水師為步軍均照舊數借給

附載官兵借項原案乾隆三十五年六月內准戶部咨開軍機大臣會同本部議奏各省駐防官兵

旨依議欽此計粘單一紙大學士公傳恒等謹

奏爲遵

旨議奏事乾隆三十四年十二月十八日奉

上諭近日召見現在來京陛見之各省將軍副都統等將

各省官兵遇有官差事務有無借給官項詳細詢問因

知各省駐防除朕加恩賞給兵丁紅白事銀兩外大約

自停止生息銀兩以後或本處尚有舊存公項者或有

並無公項將存公馬價等銀動支借給者或有預行扣

存官兵俸餉遇事借給者或有紅白事賞銀外並無借

給者在動支公項借給其事尚屬可行至預扣官兵俸

餉仍復借給伊等殊非政體日久必生弊端此則斷不

可行且各省駐防官兵遇有差務竟無借項勢必轉向

民人借用重利銀兩於旗人生計尤屬無益著傳諭各

省將軍副都統等嗣後遇有官差先應減派官兵不得

將無關緊要差使一例濫派多人以省兵力卽如江甯

將軍容保奏請開月一次前往鎮江巡查一事從前因

德敏身任將軍並不往鎮江巡查是以降旨申飭容保

接任後卽每季一次前往鎮江巡查未爲不可何必開

月一次巡查以致僕僕往來徒勞兵力將此通行曉諭

令其知悉仍著將軍副都統等將兵丁紅白事件恩賞

銀兩外官兵遇有官差事務各該省有無借給官項查

明具奏俟奏到之日其應如何酌借官項存儲以資借給並於官兵生計裨益之處著軍機大臣會同該部議奏欽此欽遵仰見我

皇上體恤官兵有加無已之至意臣等伏思各省駐防官

恩賞已俱仰賴成全惟其中或有出差公務及閒有勢不

得已之事所用不敷不得不向民間重利借貸於

諭旨於紅白賞銀之外又復籌辦官兵借項以資接濟此

皇上格外天恩臣等仰體

皇仁公同酌議欲使旗人有益而不致正項有虧務令事

可遵行垂諸經久謹就各處陸續奏到情形逐加

查覈惟江甯京口二處於餘息項下撥銀二萬八

千四百餘兩借給兵丁二年扣還所定章程頗為

妥協臣等詳加酌覈做照江甯之例酌量辦理所

撥銀數亦就各該處額設官兵多寡做照江甯之

例酌量節減各為定額統計二十一處逐一分析

訓示俟

等行知各該處將酌撥銀兩於官兵遇有差務及

勢不得已之事准其酌量借給概不取息即在該

官兵應得俸餉內統限二年坐扣完結並令該將軍等將應行出借事件銀數按照各該處情形酌定條款報部覈議嗣後統於年底將借出扣還各數造冊報部其有尙未扣完遇有事故無俸餉可扣者令其各該管官兵內均勻攤扣完項並請責令該督撫就近稽查將前項酌撥銀兩逐年盤查報部以憑查覈如此辦理各官兵遇有官差事務緩急有資而按年完項力既從容於帑項並無所虧而官兵實有裨益等因於乾隆三十五年五月十六日具

奏本日奉

旨依議欽此

一廣州駐防及水師旗營官兵據廣州將軍特克

奏稱廣州離京甚遠保題赴京人員盤費維艱於乾

隆三年六月內經前任將軍阿爾賽

奏准於司庫存儲八旗坐扣馬價銀六萬兩內支出

銀四千兩以爲借給兵丁買補馬匹及赴京官員

盤費之用於應得俸餉內一年扣完嗣因往返盤

費仍不敷用經前任將軍福增格及署將軍李侍

堯等先後

奏准於兵丁公用房租銀內加增借給俟還馬價之

後將房租銀兩亦作一年扣完遇有官差亦借給
房租銀兩以爲盤費於俸餉內扣完此外並無借
項等語查該處房租僅止三千九百餘兩不敷借
給應請行令廣東巡撫卽於馬價銀內撥銀六千
兩連前領銀四千兩共銀一萬兩解交該將軍酌
量借給其原定一年扣還之處爲期甚迫應令遵
照二年之例依限扣還所有從前借給房租銀兩
卽行按年扣還歸欵報部查覈
乾隆三十五年六月內經將軍特克慎飭行遵照
部文前赴藩庫領回馬價銀六千兩連前領回銀
四千兩共銀一萬兩存儲旗庫所有借出房租銀
兩遵照按年扣還歸欵並將官兵借項酌定條欵
銀數分晰咨部覈覆隨經戶部議覆官員進京盤
費協領准借銀七十兩佐領防禦准借銀五十兩
兩驍騎校筆帖式准借銀四十兩保送驍騎校擬
定正陪之領催前鋒准借銀三十兩賁摺進京除
給發盤費外官員准借銀十兩領催前鋒兵准借
銀八兩領催兵奉差西省買馬准借銀五兩官兵
跟隨出洋會操各准借銀一兩官員領催兵跟隨
將軍副都統進京官員准借銀二十兩領催兵准
借銀十兩官兵遇有祖父父母妻室子媳白事
及娶妻娶媳嫁女紅事協領准借銀四十兩佐領

准借銀三十兩防禦准借銀二十五兩驍騎校筆帖式准借銀二十兩領催前鋒准借銀八兩兵丁准借銀六兩應令該將軍摺節出借統照二年之例依限扣還其有借過三次未經完結者不得再借如遇白事仍准借給倘遇有事故無俸餉可扣者即遵照原奏官則在該旗各官名下均勻攤扣兵則在該佐領所屬各兵名下均勻攤扣還項乾隆三十六年四月內經將軍特克慎以水師領催並入旗礮手所食錢糧與八旗領催甲兵相等應照借給八旗領催甲兵之數一例借給至八旗匠役步甲並水師旗營木輪匠等所得錢糧與八旗甲兵有閒應照借給入旗甲兵之數減半借給銀三兩等因咨明戶部隨奉部覆准照所咨辦理乾隆三十九年六月內經署將軍李侍堯奏准查乾隆三十五年內接准戶部咨開將藩庫存儲八旗兵丁馬價銀六萬兩撥出一萬兩存儲應庫官兵遇有官差事務及紅白事件按款酌定借給分作兩年扣還自乾隆三十五年以來每年查官兵借出之數只需二千數百餘兩並未用至四千兩之數其餘銀兩徒存旗庫並無需用之處請將旗庫存儲銀一萬兩內只留銀四千兩以備借給官兵之用其餘銀六千兩仍繳存藩庫倘將來

借項設有不敷再由藩庫量數領出借給仍報部查覈

乾隆五十三年五月內因借項銀兩不敷借給遵照原奏仍於藩庫領回銀五百兩又於十月內領回銀一千五百兩又於十一月內領回銀一千兩三次領回銀三千兩連前共銀七千兩至乾隆五十五年七月內解還藩庫銀二千兩旗庫實存銀五千兩以備借給官兵之用均經報部在案道光二十四年四月內准戶部文行官兵借項一欸查官員自應減平兵丁應仍循其舊卽將所扣平銀按季解交藩庫彙欸解部再查官兵借項遞年造冊送部遵照乾隆四十一年七月內准到戶部文行將上年未扣銀兩扣還銀若干兩及本年借出銀兩扣還銀若干兩逐一分晰另造二冊報部查覈並每年咨請督撫盤查

備借穀價項下年終借給各兵銀兩數目

一滿洲領催前鋒馬甲弓匠銅匠鐵匠每名借銀

二兩

一滿洲副甲每名借銀一兩

一漢軍領催馬甲礮手弓匠銅匠鐵匠每名借銀

二兩

一漢軍副甲步甲每名借銀一兩

一水師領催水師兵副工兵木匠船匠每名借銀

二兩

光緒九年改水師爲步軍領催兵等每名仍照舊借銀二兩

謹按雍正五年十月內准戶部咨開廣州將軍石禮哈題前事奉

旨該部

議奏欽此欽遵抄出到部該臣等查得廣州將軍

石禮哈疏稱粵東連年米價騰貴旗營丁壯日衆

食指浩繁雖有月給之米但家口多者難免糴食資生已備銀一萬兩委員赴西省採買穀石運回平糴嗣准廣西撫臣韓良輔題明在於糴三倉穀內先動一萬石臣即另備水脚委員赴西趨運並發給銀兩在於旗營適中之地建裕信倉厥一所先將運到穀一萬石於本年閏三月內令旗營將實在家口開報按月定期二次開倉平糴所收穀價俟秋收後照數買補以爲次年平糴之用至尙未運回之穀一萬三千二百餘石現備脚價迅委員弁前赴西省運回所有備儲穀二萬三千二百餘石俱在裕信倉內收儲其旗營糴食之家東四旗交與正藍旗協領董朝衡管理西四旗交與正黃旗協領申文貴管理四營交與標下中軍副將管理每遇青黃不接之時令其開倉平糴秋收買補至運儲之穀原係西省勻儲之項不便虛懸俟備足穀價實交廣西撫臣照數買補還倉等因會同署督臣阿克敦合詞具題前來查雍正五年二月內廣西巡撫韓良輔以廣州將軍石禮哈所轄旗營家口數萬恐糴食維艱委員帶銀一萬兩來西省買米運回平糴接濟旗兵但粵西現在米少價增安能買運查存倉捐穀原經部議將糴三倉穀三十二萬三千二百餘石內解三十萬石運交

旨

依議

欽此爲此合咨前去

廣東其下剩二萬三千二百餘石仍勾儲各倉應將此項穀石移知將軍石禮哈自備腳價多委弁役先運一萬石如尚未足卽盡數運去等因具題經臣部議准在案今該將軍疏稱所有備儲穀二萬三千二百餘石俱在裕信倉內應將存倉穀石加謹收儲遇青黃不接之時開倉平糴秋收買補其贏餘穀價仍買穀儲倉年終造冊報部查覈至該將軍疏稱二萬三千二百餘石之穀原係西省勾儲之項不便虛懸俟備足穀價賣交廣西撫臣照數買補還倉等語先經該將軍將穀石運到數目俟秋收後備足穀價賣還之處題報臣部以此項運糴穀價既買歸旗營以備平糴應毋庸賣還粵西等因題覆在案今該將軍尚未接准部覆應令遵照原題毋庸賣還等因具題奉

奏

准前任將軍石禮哈買運廣西穀二萬三千二百

名

二十六石每年青黃不接之時借給入旗兵丁每名二石綠旗四營兵丁每名一石每石坐扣銀六錢查歷年買補還倉陸續羨穀一千七百七十二石八斗九升零二共存穀二萬四千九百九十八石八斗九升零四乾隆六十七等年米價昂貴暫停

買穀將穀價銀一萬四千九百九十九兩三錢二分四釐零於每年歲底借給八旗並綠旗四營兵丁每名銀二兩俟次年二月起分十箇月坐扣還

乾隆十四年准戶部咨開前項出借銀兩應照數扣解司庫俟穀價平減及時買補還倉如年底必須出借另行報部查覈扣還仍解司庫隨經將軍錫特庫咨明戶部此項銀兩原係奏交將軍衙門借給兵丁度歲未便移交藩庫徒滋輾轉解繳之繁應仍存旗庫嗣准戶部咨覆准其照舊存儲以備借給惟借剩銀兩應令提解司庫存儲

乾隆二十七年經將軍福增格奏准水師旗營兵丁未經議及借支穀價請在存儲司庫餘剩穀價銀兩提出每名借給銀二兩
乾隆三十四年經將軍增海副都統胡圖禮劉沛德等

奏准將漢軍馬甲一千五百名內裁汰二百名改爲步甲四百名每名借給銀一兩

乾隆五十九年經將軍福昌副都統聖保等

奏准將滿洲懸空馬甲二百缺改爲副甲四百名每

名借給銀一兩

再查穀價銀一萬四千九百九十九兩三錢三分

四釐零於未裁汰漢軍駁手及軍標四營並水師木艚匠以及滿洲改補養育兵之前每年共需借銀一萬三千二百三十八兩餘剩銀一千七百六十一兩三錢三分四釐零解交藩庫嗣於乾隆二十一年奉文裁汰漢軍駁手六名又於乾隆三十三年奉文裁汰軍標四營兵二千九百五十五名又於乾隆四十一年奉文裁汰水師旗營木艚匠四名並奏准滿洲添設養育兵裁汰馬甲三百名陸續解交穀價銀六千五百三十兩通共解交藩庫銀八千二百九十一兩三錢三分四釐零旗庫存儲銀六千七百零八兩每年歲底儘數借給滿漢入旗及水師營各兵之用次年二月起分十箇月扣還歸款所有借出扣還數目毋庸報部覈銷

光緒九年將軍長善副都統尙昌懋鍾泰奏准將水師改爲步軍所有領催兵等借項均照舊數支領

賞還馬價項下賞給老病出缺兵丁銀兩數目

一滿洲八旗領催前鋒馬甲及漢軍八旗領催馬

甲如有老病出缺者每名賞還馬價銀一十八兩

謹按嘉慶十七年三月內奉到部文卽由藩庫領回馬價銀四千兩存儲旗庫以備賞用領催前鋒甲兵除陞遷及緣事革退不賞還外其餘病故一名賞還銀一十八兩其賞還銀兩在於頂缺新兵名下每月扣存銀三錢七分五釐分作四年扣回原賞之項仍將賞出扣還銀兩數目每年造具花名清冊呈請咨送戶兵二部查覈

附載原案嘉慶十六年五月內經將軍福會副都統那麟泰張秉樞

奏請廣州駐防出缺兵丁倣照杭州之例賞還扣存馬價銀一十八兩以補缺兵丁分年扣存遞行賞還一摺奉

旨該部議奏欽此嘉慶十七年三月內准戶部咨開本部議覆前事一摺於嘉慶十六年十一月二十一日

奏本日奉

旨依議欽此相應抄錄原奏移咨廣州將軍遵照可也計

原奏一紙內開戶部謹

奏爲遵

旨議奏事據廣州將軍福會等奏前因廣州駐防兵丁出

缺時情形拮据請倣照杭州之例賞還馬價銀一十八兩以補缺兵丁分年扣存遞行賞還一招准戶部以杭州駐防馬價歷年遞相扣存積有成數廣州自乾隆二十一年後並無續扣之案司庫所存原扣銀兩係留備旗營買馬等項之用請旨飭令查明此項銀兩動用後作何歸款詳細覆奏再行覈覆等因奉

旨依議欽此欽遵咨行前來查廣州駐防所存馬價銀五

萬九千餘兩係於原設兵丁按名扣交藩庫存儲之項經前任將軍阿爾賽請於馬價內支領銀四千兩以爲借給兵丁差務及赴京官員盤費之用續於乾隆三十五年奉文行令於馬價內再撥銀六千兩交該將軍酌量借給限二年扣還三十九年前署將軍李侍堯因每年所借之數無多奏請留旗庫銀四千兩其餘銀六千兩仍交司庫存儲迨五十三年又領回銀三千兩次年解還銀二千兩此項現存旗庫銀五千兩係隨借隨扣咨部在案上年將軍慶溥等奏請添設無米養育兵又撥銀三萬七千九百餘兩交商生息作爲餉項是馬

價一項本由兵丁餉銀扣交司庫存儲所有旗營買補現拴馬匹俱係各旗倒馬截存料草皮骨等銀買辦並未支領馬價買補前因一時愚昧之見擬請倣照杭州駐防之例一體賞還馬價仍於新兵名下分限四年扣回存儲旗庫以備源源賞扣並未籌及作何歸款實屬疎忽謹將歷年奏咨案卷抄錄送部查覈議覆到日遵照辦理等因覆

奏奉

硃批戶部議奏欽此欽遵抄出到部臣部查該將軍奏請

皇仁體恤旗兵起見今據覆稱旗營買補馬匹並不動支

此項其抄送從前借領奏咨各案臣等覈對亦屬符合應如該將軍所奏倣照杭州駐防之例准其在於司庫所存馬價借支銀四千兩以備賞給之用如有事故革退不准賞給但不得於四千兩之外再議增添其每年賞扣各細數行令該將軍按年造報以便查覈等因具

奏奉

旨依議欽此

嘉慶二十四年十二月二十日准戶部覆文內開據該將軍聲稱廣州駐防滿漢八旗存有馬價兵丁二千三百名領催前鋒校前鋒統在二千三百

名兵丁之數因領催前鋒缺出卽在馬甲內選補其未選補領催前鋒以前曾在各該兵等所得餉銀內按名扣存馬價銀兩是以奏請賞還老病出缺兵丁馬價摺內毋庸分敘領催前鋒字樣以免瑣屑惟是賞還頂扣數目俱係該兵等初存銀兩若非按名實註分別四柱清冊恐致紊亂難稽故歷年冊報俱造有領催前鋒甲兵名色等語所有領催前鋒校等名色卽在扣存馬價二千三百名兵丁之數其支過前項賞還馬價銀兩自應准其照數開銷並令該將軍嗣後按年在於報銷案內聲明報部以免往返駁查可也

籌備修補軍裝項下支給各項銀兩數目

一每月支給滿漢八旗每旗紙筆銀二兩共銀三

十二兩

謹按乾隆二十一年經署將軍李侍堯

奏

准八旗辦理兵馬錢糧戶口冊檔一切文移紙筆

之費勢所必需坐扣錢糧未免妨於兵丁生計確

覈每月每旗需紙筆銀二兩卽於每年所得籌備

軍裝銀內按月賞給將來滿兵到廣亦請按旗按

月支給銀二兩仍照例於歲報冊內咨部覈銷

道光二十四年四月內准戶部咨覆旗庫存儲籌

備軍裝項下支給旗營紙筆公費銀兩應減平支

放並將所扣平銀按季解交藩庫彙款解部

咸豐九年二月內准戶部咨開籌備軍裝項下支

給入旗左右司紙筆銀兩應照案覈減二成外其

餘實支八成銀內自應照舊減平以昭撙節

一每月支給左右司每司紙筆銀一兩五錢共銀

三兩

謹按乾隆四十八年正月內准戶部咨開爲

同議奏事本部議覆廣州將軍傅玉等奏駐廣旗營年例
賞給左右二司紙筆並驍騎校擬放防禦赴京資
助盤費銀兩改在籌備軍裝銀內動支一摺查旗
營賞給左右二司辦理紅白賞項紙筆等項歲支
銀三十六兩並擬補防禦之驍騎校進京引
資助盤費銀二十兩先於乾隆四五兩年經將軍
阿爾賽奏准於馬價生息銀兩內隨同兵丁紅白賞
項一律支給嗣因生息銀兩裁汰經軍機大臣議
准將兵丁賞項於地丁銀內動用所有承辦此案
紙筆並資助盤費亦同在於正項銀內支銷在案
茲據該將軍請將此二項銀兩改於籌備軍裝銀
內賞給應如該將軍所奏辦理等因覆

奏奉

旨知道了欽此

咸豐九年二月內准戶部咨開紙筆銀兩應覈減
二成外其餘實支八成銀兩照舊減平

一每年支給水師旗營燂洗船隻修整篷索製造

火藥鉛彈等項銀一百二十三兩零八分五釐

謹按

此項銀兩每年於十一月內支給該營領回以爲
本年十一月起至次年十月底止一切公費之用

其支用細數俟次年終由該營另冊報銷

案查乾隆十四年經將軍錫特庫

奏

准廣州新設水師旗營並無公費除每年司庫支

給繪船船篷索銀二十三兩三錢外其餘櫓槳船

隻一切燭洗修補篷索櫓槳遮蓋簑蓆以及出洋

獎賞等項需用繁冗每年覈計銀二百兩方足敷

用現在無項可動查前項修補軍裝銀兩以爲八

旗修補軍裝之用水師旗營均屬一體請將此項

銀兩每年撥給銀二百兩以爲水師旗營公費俾

得辦理營務以及獎賞有資

乾隆四十一年正月內奉文裁汰水師旗營繪解

櫓槳船六隻毋庸燭洗修補篷索酌減公費銀六

十一兩八錢一分嗣後遞年水師旗營公費實支

銀一百三十八兩一錢九分

乾隆四十二年五月內經將軍永瑋

奏

准水師旗營陸路操演鳥槍之處悉行停止改爲

春秋二季在船操演共裁減火藥鉛彈銀一十五

兩一錢零四釐八毫八絲嗣後每年該營實支公

費銀一百二十三兩零八分五釐

道光二十四年四月內准戶部咨覆旗庫存儲籌

備修補軍裝項下支給水師旗營公費銀兩應減

平支放並將所扣平銀按季解交藩庫彙款解部

光緒八年九月內經將軍長善副都統尙昌懋鍾
奏等

奏准水師改爲步軍前項銀兩照舊領回作爲該營
操演一切費用

一每年支給水師旗營製造操演火箭銀一十六

兩謹按此項銀兩每年於八月內支給該營領回
製造操演船隻配用火箭一千六百枝每枝工

料銀一分共工料銀一十六兩於乾隆三十一年

八月內咨明兵部在於右司籌備修補軍裝項內
動支製造每年將用過銀兩數目由該營造冊送
部覈銷光緒八年九月內經將軍長善副都統尙

昌懋鍾奏等

奏准水師改爲步軍前項銀兩照舊領回作爲該營

操演一
切費用

一每年支給製造子母礮火藥鉛彈銀八兩五錢

六分五釐七毫

謹案乾隆二年經將軍張正興

奏准添設子母礮四十位每年十一月初一日隨同

大礮在於燕塘地方演放一月

乾隆二十七年經將軍福增格

奏准大礮子母礮遷年演放一箇月礮身易致震裂

火藥亦多糜費改爲演放半月

查子母礮演放十五日每日十位輪流演放六十

出共演放九百出每出火藥二兩烘藥二分共用

火藥一百一十二斤八兩烘藥一斤二兩二共藥

一百一十三斤十兩共工料銀四兩四錢三分一

釐七毫鉛彈九百箇每箇重二兩一錢共用黑鉛

一百一十八斤二兩每斤銀三分五釐共銀四兩

一錢三分四釐合共藥鉛銀八兩五錢六分五釐

七毫每年九月內在於籌備軍裝項下動支交理

事同知製造其製造火藥鉛彈工料銀兩由滿洲

漢軍八旗及水師旗營協領造冊送部查覈

一每年支給製造檯礮鉛彈銀二十八兩五錢一

分四釐光緒六年將軍長善副都統尙昌懋鍾泰

奏准停操檯礮製造鉛丸銀兩停止支領

謹按道光十三年十月內經將軍哈豐阿

奏檯礮爲軍中利器現與副都統倫忠左廷桐會商

籌辦一百尊俟造成時督率員弁在二千備戰兵

內揀選尤爲勇健者親身指示操演等因一片本

年十二月初九日奉

上諭據哈豐阿奏籌造擡礮一百尊俟造成時在二千備戰兵內揀選督操等語擡礮為軍中得利之器與廣東地勢尤屬相宜該將軍等現在會商悉心籌造係於何款內動用摺片未據聲敘明晰著哈豐阿將製造擡礮一百尊需用若干動用何項之處詳細具奏俟奏到時再降諭旨將此諭令知之欽此

道光十四年正月內經將軍哈豐阿副都統倫忠

左廷桐

奏為遵

旨查明製造擡礮一百尊共需工料銀一千零七十六兩

七錢奴才倫忠左廷桐會商各捐銀二百兩其不

敷銀六百七十六兩七錢奴才哈豐阿如數捐足

現已製造完竣所需操演火藥即在每年燕塘演

放存城大礮十位內將每礮每日演放十出改為

五出共博節火藥一千六百二十三斤十二兩足

敷操演之用其操演之期請於春秋合操時將擡

礮一百尊分作兩起輪演進步連環每年十一月

亦隨同大礮運赴燕塘操演準頭每日擡礮輪演

五出所需鉛丸即照子母礮一律歸入右司籌備

修補軍裝項內支銷等因覆奏道光十四年二月

二十一日奉

上諭前據哈豐阿奏籌造擡礮一百尊未據將需用若干動何欵項之處聲敘明晰當降旨令詳細具奏再降諭旨茲據奏稱旗庫存儲欵銀俱係隨時動用並無閒欵所有製造擡礮一百尊需用工料銀一千七十六兩零係將軍與倫忠左廷桐會商捐辦不敷銀兩由該將軍如數捐足現已製造完備其操演擡礮配用火藥在於存城大礮十位內撙節備用所需鉛丸照子母礮例歸入右司存儲籌備修補軍裝項內支銷由理事同知備辦如數領用等語此項捐辦銀兩該將軍等除歲支廉俸之外別無餘資無庸捐辦即著中祥於粵海關稅內照數撥給銀一千七十六兩零作正開銷交該將軍等支領此項製造擡礮為軍中得力之器必應挑取兵丁認真演練一歸嫻熟不可有名無實餘著照所議辦理將此各諭令知之欵此

道光十六年三月內經將軍蘇勒芳阿副都統倫忠

奏准操練備戰兵並酌改各項技藝將擡礮一百尊

改為操演五十尊

道光二十三年三月內經署將軍裕瑞副都統官文

奏准酌擬武備事宜以擡礮實為軍中利器請仍操

演一百尊每年運赴燕塘演放十五日每礮每日

演放五出共用鉛九七千五百箇數用鉛八百一
十四觔十一兩每觔照子母礮鉛九價銀三分五
釐計銀二十八兩五錢一分四釐在於籌備軍裝
項下動支移解理事同知飭局製造
查此項銀兩每年於九月內在籌備軍裝項下動
支其製造鉛九工料銀兩數目由滿漢八旗及水
師旗營協領造
冊送部查覈

一每年支給製造操演檣槍火藥鉛彈銀三百二

十五兩五錢四分九釐一毫二絲五忽

謹按道光二十七年

十二月內經兩廣總督耆英會同將軍穆特恩廣

奏

准廣州駐防滿營撥給檣槍五百桿演習陣式所

需鉛子火藥在於籌備軍裝項下將應行同繳藩

庫銀四百餘兩扣留作為每年製造藥鉛之用

道光二十八年三月內經將軍穆特恩副都統烏

奏

准操演檣槍陣式演打準頭每年應需火藥六千

七十五觔鉛彈二千五百三十一觔四兩共需製

造銀三百二十五兩五錢零在於籌備軍裝項下

應行同繳藩庫銀四百餘兩扣留作為製造藥鉛之用外尙剩銀一百四兩二錢零存儲右司以備修整軍器獎賞兵丁演打準頭動支俟年終並入報銷冊內報部查覈
按此項銀兩每年於正月內動支交理事同知製造其製造藥鉛工料銀兩數目由滿漢八旗及水師旗營協領造冊送部覈銷

一每年賞給滿洲漢軍八旗及水師旗營兵操演

擡槍五百桿較打準頭銀兩

謹按此項獎賞銀兩每年視準頭成數多寡分別獎賞並無一定數目其原案已載上條製造藥鉛文內茲不複贅光緒九年改水師爲步軍

所有擡槍撥歸滿漢八旗操演

一水師旗營閱操座船小修支給部價銀六十四

兩二錢四分五釐四毫九絲大修支給部價銀一

百三十六兩九錢七分九釐二毫拆造支給部價

銀三百二十二兩六錢六分二釐四毫一絲八忽

謹按水師旗營座船一隻於乾隆四十三年經將軍永瑋

奏

准添造所需工料銀兩在於右司籌備修補軍裝

項內動支撥入水師旗營駕駛遵照修造內河漿船之例以新造之年為始閱三年准其小修自小修之後五年大修以大修後三年仍行小修再屆三年該船尚堪修理仍令再次小修如不堪用准其拆造

再按如遇修造之年於六箇月之前由水師旗營呈請將軍都統派委協領一員勘驗監修由該委員造具估需冊咨送戶兵工部均俟覆准再行興工工竣之日再將用過工料銀兩數目造具細數清冊咨送戶兵工部覈銷光緒九年奏裁船隻交地方官變價所有修造銀兩亦即停支

籌備修補軍裝生息原委

謹按雍正十年五月副都統馬士傑安華

奏准駐防甲兵三千名每名領馬乾銀三匹實只拴

馬一匹請每月量給二匹乾銀暫將一匹乾銀照

部價每匹二十一兩九錢之例扣存入旗公庫以

爲購買馬匹之用扣足馬價仍照舊支領三匹馬

乾銀兩

乾隆元年將軍張正興

奏請入旗甲兵扣存馬乾銀兩自雍正十年十月起

至十二年十一月止共扣足銀六萬五千七百兩

請以六萬兩交存藩庫其餘五千七百兩借給鹽

商每兩二分五釐起息留爲修補軍裝之用經戶

部議以此項銀兩借商生息於商人是否有益應

奏准商人有銷引辦課之責隨經兩廣總督鄂彌達

力承辦方無貽誤今借給前項銀兩應請每月以

二分起息每年可得息銀一千三百六十八兩以

七百兩歸還藩庫其餘留爲修補軍裝之用以入

年歸足原借之數其本銀仍借商生息充修軍裝

每年應輸息銀應令鹽運司按季解交將軍衙門

遞年支用細數造冊報部覈銷

乾隆十一年經將軍錫特庫

奏准前項借商生息銀兩自乾隆二年起至乾隆九年止已歸足原借本銀五千七百兩此項銀兩自應仍留借商將二分起息之處改爲一分五釐每年所得息銀一千二十六兩留爲修補軍裝每年仍將收支數目造冊報銷

乾隆十四年經將軍錫特庫

奏准馬價息銀現存銀五千七百九十四兩八錢零內祇留銀二千兩其餘銀三千七百九十四兩八錢零解交藩庫俟有需用再行領回嗣後旗庫只留銀二千兩以爲八旗修補軍裝等項之用若有餘剩銀兩統於年底解交司庫存儲彙冊報銷乾隆三十四年十月內准兵部咨開准廣州將軍咨稱今奉行文各省將生息名色概行刪除改爲籌備某事公用字樣但此項馬價息銀原備修補軍裝製造火藥鉛彈並支給水師旗營公費及各旗紙筆各事之用如悉將各事俱皆命名似屬煩瑣今請改爲籌備修補軍裝字樣等因前來查各省營運銀兩生息名目改爲賞借並籌備某事公用字樣一摺經軍機處奏明奉

旨通行

各省在案今該將軍請將前項息銀改爲籌備修補軍裝字樣之處與軍機處原奏相符相應咨覆

嘉慶六年八月內經將軍書敬

奏擬放防禦之驍騎校經前任將軍阿爾賽奏准在於生息銀內每員賞給銀二十兩以資路費請擬放驍騎校之筆帖式領催前鋒等一體賞給銀二十兩等因一摺奉

硃批著照所請賞給欽此

嘉慶十八年十二月內准戶部咨開查鑲藍旗滿洲出有驍騎校一缺經將軍副都統將告病解任病痊奏准降補驍騎校之原任直隸守備額勒登布擬正領催全明擬陪給咨進京引

見今據

該將軍咨稱額勒登布係降補之員並無俸餉可支資斧愈形竭蹶咨請賞給資助又候補筆帖式

見似與

指補筆帖式給咨進京引

筆帖式領催前鋒補放驍騎校事同一例亦請賞給資助銀兩等語應如該將軍所咨准其一體賞給遇有動支之處即飭在於籌備軍裝項內題報

覈銷

道光元年十二月內經將軍孟住等

奏

准將各兵扣存馬價項內撥銀一萬兩交鹽典二商每兩以一分二釐起息所得息銀存儲旗庫如

遇文武舉人進京會試每名除例賞水腳銀二十兩零之外加賞銀三十兩八旗擬放防禦之驍騎

校及擬放驍騎校之領催前鋒並補放筆帖式進京引

見在於籌備軍裝項下除每名原賞銀二十兩外亦加賞銀三十兩以資路費

道光十八年六月內經將軍德克金布等

奏向在籌備修補軍裝項下賞給引

見人員資助銀兩請改入文武舉人資助項內動支一摺奉

硃批該部議奏欽此

道光十八年十一月內准戶部咨開本部議覆廣

見人員盤費不敷請改歸文武舉人資助項內動支一摺

查舉人資助一欸實屬充裕若將旗員進京路費

並入此欸動支亦屬有盈無絀應如該將軍所請

至籌備軍裝息銀支發既已減少每季自有盈餘

應令該將軍按年截清全數解交司庫另欸存儲

候撥等因議奏奉

旨依議欽此相應行文廣州將軍欽遵辦理

道光十九年十二月內准兵部咨開本部會同戶

部議

工二部題前事相應抄錄原題恭錄

諭旨行

文該將軍欽遵辦理可也計連單一紙內開會議

得廣州將軍德克金布疏稱道光十八年分籌備

軍裝收支剩存銀兩數目具

題前來按數覈算均屬相符至稱本項息銀每季由運司於季底始行提解旗庫請嗣後每年解交用剩銀兩俟春季分息銀解到時再將上年用剩之銀全數解交司庫應如該將軍所題辦理等因具

題奉

旨依議欽此

道光二十七年十二月內經兩廣總督耆英會同將軍穆特恩廣東巡撫徐廣縉副都統烏蘭泰托恩東額

奏准廣州駐防滿營撥給擡槍五百桿演習陣式所需鉛子火藥在於籌備軍裝項下將應行回繳藩庫銀四百餘兩扣留作為每年製造藥鉛之用道光二十八年三月內經將軍穆特恩副都統烏蘭泰托恩東額

奏准操演擡槍陣式演打準頭每年應需火藥六千七十五觔鉛彈二千五百三十一觔四兩共需製造銀三百二十五兩五錢零在於籌備軍裝項下應行回繳藩庫銀四百餘兩扣留作為製造藥鉛之用外尚剩銀一百四兩二錢零存儲右司可以備修整軍器獎賞兵丁演打準頭動支俟年終並入報銷冊內報部查覈

餵馬用剩項下支給各項銀兩數目

一每年夏秋兩季大建月分支支給漢軍八旗餵馬不敷銀一百一十兩零七錢小建月分支給不敷

銀九十九兩八錢六分

謹按滿漢八旗額馬九百六十匹道光二十一年滿

漢八旗各裁馬二百三十四匹共裁馬四百六十四匹添設無米礮手四百名滿洲八旗共挑一百二十名漢軍八旗共挑二百八十名所需月餉卽在裁馬節省草料支給滿洲八旗無米礮手較少無論大料小料均有用剩漢軍八旗無米礮手較多惟大料方有用剩若係小料卽有不敷

一每年冬閒支給買補倒斃馬六十四匹每匹價

銀一十七兩四錢七分九釐零共銀一千一百一

十八兩七錢

謹按額馬每百匹例准倒斃十五匹如有倒斃每匹變賣皮臘銀三兩每

日退存料草銀六分一釐均交右司存儲每年買補額馬卽在此項銀兩並餵馬用剩銀兩一併添

補買馬之用所有買馬銀兩遵照咸豐七年十二月內戶部來文減平支放

一每年十一月燕塘演放礮位賞給無米礮手四

百名每名銀八錢共銀三百二十兩

謹按額馬九百六十匹道

光二十一年裁減四百六十四匹每月可節省料草銀八百二十八兩添設無米礮手四百名每月共需餉銀八百兩餘剩銀二十八兩作為操演礮位犒賞之用所有犒賞銀兩遵照咸豐七年十二月內戶部來文減平支放

滿漢八旗原額馬匹及裁減實拴數目並一年

餵養銀兩細數

一原額馬三千匹康熙二十一年設立廣州駐防
派漢軍兵三千名每名拴馬一匹每匹支領一乾
以資餵養嗣康熙三十二年經將軍拜音達禮因
廣東地方食物昂貴兵丁生計維艱所支餉銀不
敷養贍

奏准每兵加給二匹馬乾銀兩俾得養贍家口自是
年起每兵拴馬一匹每月支領馬乾三匹後於乾
隆三十六年經將軍特克慎

奏准裁馬二千零四十四匹留馬九百六十四匹合棚餵

養每馬支領一乾不敷餵養在於領催前鋒甲兵
支給二乾內扣銀四錢厥後改設副甲兵亦於支
給一乾內扣銀二錢幫添餵養至道光二十一年
經將軍阿精阿等

奏准在於額馬九百六十匹內裁馬四百六十匹添
設無米礮手四百名所需月餉卽在裁馬節省草
料支給又於道光二十四年經將軍奕湘等

奏准在於額馬五百匹內裁馬二十匹以資撙節現
在實拴馬四百八十八匹此滿漢八旗馬匹原額及
裁汰實拴數目也

謹按乾隆三十六年六月內准兵部咨開本部題前事等因於

旨依議

乾隆三十六年四月十七日題本月十九日奉
欽此相應抄錄原題行文該將軍欽遵辦理可也

計粘原題一紙內開議得廣州將軍特克慎等奏裁馬一案查廣州駐防兵丁馬匹先經該將軍具奏以該處兵丁馬匹除閱操等事騎用外其餘官差俱不用馬且廣州地方時氣與福州無異馬匹易於倒斃坐扣兵丁錢糧買補未免苦累請將潮州漢軍馬三千匹內裁馬二千四十匹每旗留馬六十四匹共留馬九百六十四匹照福州之例交各該旗官員等設立官圈餵養在於兵丁應給草豆銀兩每名每月坐扣銀四錢幫添餵養如有餘剩留為買補倒馬之用再前歲自廣州摘解雲南馬一千五百匹已於藩庫存儲馬價內領銀二萬六千二百五十兩買補此項銀兩已於各兵名下扣還銀一萬一百八十一兩五錢尙欠銀一萬六千六十八兩五錢除將裁馬變價銀兩解交藩庫抵補欠項外如有不敷仍在兵丁名下坐扣完結再入旗預備買馬銀三千八百三十九兩請作為設立官圈等項之用餘剩銀兩歸入公項等因經軍機處覆准奉

旨依議

欽此欽遵在案今據該將軍奏稱八旗兵丁共馬三千匹內除倒馬四百二十四匹又滿洲旗分年幼革甲空缺未拴馬三百七十六匹八旗漢軍改步兵丁裁汰馬八十六匹具奏之後陸續倒馬九

十六匹外實在存馬二千一十八匹內檢留臆壯馬九百六十匹歸入圈內餵養將應裁草豆銀兩裁汰其餘瘦小殘疾馬一千五十八匹分別等差自四兩至十三兩不等變價銀五千四百八十二兩查從前買補解滇馬匹由司庫領出馬價銀二萬六千二百五十兩已於兵丁名下扣還銀一萬一千八百一十一兩五錢具奏之後陸續又扣還銀三千八百七十一兩今除將前項馬價變價銀兩抵還欠項外尚欠銀六千七百一十六兩五錢等語查前項裁汰馬匹變價銀五千四百八十二兩歸還買補解滇馬匹銀兩之處查與原奏相符應如所奏辦理至設立官圈修造棚槽並官兵住房等項動用預備買馬銀兩既據該將軍聲明馬匹既經裁汰扣存銀兩並無需用之處亦應如所奏准其作為設立馬圈等項之用至餘銀一千六百四十八兩二錢四分四釐零該將軍既稱現在應還原領買補解滇馬價銀六千七百一十六兩五錢請卽以此項銀兩抵補外下欠銀五千六十八兩二錢五分五釐零仍在各兵名下分限九箇月坐扣完項等語應准其照數歸還並將按月坐扣銀兩俟扣足之日報部查覈再該將軍所奏餵馬用剩銀兩以備買補倒馬之處亦應如所奏辦理仍令

命

下之日

每年年終將用存數日報部查覈俟

謹按前項裁馬變價銀五千四百八十二兩蓋造

馬圈餘剩銀一千六百四十八兩二錢四分五釐

二共銀七千一百三十兩二錢四分五釐於本年

六月二十六日解交藩庫尙欠銀五千六十八兩

二錢五分五釐分九箇月自本年二月起至十月

止扣足解交藩庫清結原領解滇馬價之項

道光二十一年九月內經將軍阿精阿副都統裕

瑞

奏請在於滿洲漢軍八旗額馬九百六十四匹內裁減

四百六十四匹每月可節省料草銀八百二十八兩

添設無米礮手四百名每名月給餉銀二兩合計

每月共需銀八百兩餘剩銀二十八兩作為操演

礮位犒賞之用所有新添無米礮手月支餉銀及

操演礮位犒賞銀兩仍請歸入餉馬

題銷案內按年造冊送部覈銷等因具

奏十月十七日奉

上

諭廣州省城額設礮位向止有漢軍礮手二十四名現

在不敷遣用准其添設無米礮手四百名卽在於滿漢

餘兵及無米養育兵開散人等內均勻挑補所需月餉

准其將該旗額設馬匹照議裁減四百六十四匹以資支

放等因欽此

謹按裁減四百六十匹於未奏之前業經倒斃八十三匹具奏後又復倒斃五十七匹共倒斃一百四十四匹其餘三百二十匹陸續出售共變價銀一千九百七十一兩五錢一分於道光二十二年正月二十六日解交藩庫造入季冊報撥

道光二十三年六月初二日奉

諭據戶兵二部會議外省馬乾章程請令江蘇安徽江西浙江福建湖北湖南廣東廣西等九省各按本省於現需數目遵照減半章程暫行裁減一半將馬乾銀存儲藩庫按季造報聽候仍請飭下各督撫將軍都統各就所管綠營旗營分別形勢險易酌量留裁將減半數目均勻分配又據許乃普奏歷次裁減馬匹乾銀仍行交領南省地不產馬去口較遠一遇短絀猝難買補民戶無可通融營弁有所藉口請飭將軍督撫提鎮體查情形詳議具奏各等語著江蘇安徽江西浙江福建湖北湖南廣東廣西各督撫會同將軍副都統提鎮各就地方情形悉心籌議據實具奏可裁則裁可留則留不必拘定減半數目務須實力撙節而於操防亦無貽誤是為至要將此各諭令知之欽此隨經將軍奕湘副都統裕瑞官文

奏請在於官馬五百匹內裁減二十匹於道光二十

四年四月內准兵部咨開兵部等部謹

奏為遵

旨議奏

事內閣抄出廣州將軍奕湘等奏酌裁廣州駐防旗營馬匹節省乾銀一摺道光二十四年正月二

十三日奉

硃批兵

部議奏欽此欽遵抄出到部查該將軍原奏內稱廣州旗營駐防廣東省城五方雜處番船往來營

制軍威觀瞻攸繫似應酌量分別裁留其滿漢十

六旗甲兵分養馬五百匹每旗有三十二匹者亦

有三十一匹者未能均勻畫一今酌議裁馬二十

匹每旗均拴馬三十匹共拴馬四百八十匹等語

應如所奏准其裁減將節省銀兩按年提扣入撥

報部聽候撥用其裁馬變價銀兩並令該將軍移

解藩庫報撥等因於道光二十四年二月十四日

奏本日奉

旨依議

欽此相應抄錄原奏行文廣州將軍遵照可也謹按此次裁馬二十匹在於滿漢鑲黃正黃旗各

拴馬三十二匹內各裁二匹滿漢正白正紅鑲白

鑲紅正藍鑲藍旗各拴馬三十一匹內各裁一匹

共裁二十匹其變價銀一百二十三兩二錢一分

於道光二十四年五月二十三日解交藩庫聽候

撥用

馬車 方云 卷二
一合棚餵養馬九百六十匹於道光二十一年裁減四百六十匹添設無米礮手又於道光二十四年裁減二十匹以資撙節實拴馬四百八十匹每月仍領馬乾九百六十匹

春冬大料大建月分每馬支領乾銀一兩零五分計應領乾銀一千零八兩內除裁馬二十匹係照官圈餵養銀數每匹大料大建月分節存銀一兩八錢三分一釐共節存銀三十六兩六錢二分坐扣藩糧二庫不領外實領銀九百七十一兩三錢八分領催前鋒馬甲二千三百名每名幫餵馬銀四錢副甲四百名每名幫餵馬銀二錢共出銀一

千兩二共銀一千九百七十一兩三錢八分餒馬
四百八十匹每匹大料大建月分餒養銀一兩八
錢三分一釐共用銀八百七十八兩八錢八分支
給無米礮手四百名每名餉銀二兩共銀八百兩
尙剩銀二百九十二兩五錢謹按大料大建滿洲
銀二十九兩四錢零八釐正白正紅鑲白鑲紅正
藍鑲藍每旗用剩銀三十一兩二錢三分九釐漢
軍鑲黃正黃每旗用剩銀四兩六錢零八釐鑲白
鑲紅每旗用剩銀六兩四錢三分九釐正白正紅
正藍鑲藍每旗用剩銀六兩零三分九釐通共用
剩銀二百九十二兩五錢存儲右司以爲小料餒
馬不敷並買
補馬匹之用

春冬大料小建月分每馬支領乾銀一兩零一分
五釐計應領乾銀九百七十四兩四錢內除裁馬

二十四匹係照官圈餵養銀數每匹大料小建月分

節存銀一兩七錢六分九釐共節存銀三十五兩

三錢八分坐扣藩糧二庫不領外實領銀九百三

十九兩零二分領催前鋒馬甲二千三百名每名

幫餵馬銀四錢副甲四百名每名幫餵馬銀二錢

共出銀一千兩二共銀一千九百三十九兩零二

分餵馬四百八十匹每匹大料小建月分餵養銀

一兩七錢六分九釐共用銀八百四十九兩一錢

二分支給無米礮手四百名每名餉銀二兩共銀

八百兩尙剩銀二百八十九兩九錢

謹按大料小建滿洲鑲黃

正黃每旗用剩銀二十九兩二錢九分二釐正白
正紅鑲白鑲紅正藍鑲藍每旗用剩銀三十一兩

零六分一釐漢軍鑲黃正黃每旗用剩銀四兩四錢九分二釐鑲白鑲紅每旗用剩銀六兩二錢六分一釐正白正紅正藍鑲藍每旗用剩銀五兩八錢六分一釐通共用剩銀二百八十九兩九錢存儲右司以爲小料餵馬不敷並買補馬匹之用

夏秋小料大建月分每馬支領乾銀六錢三分計應領乾銀六百零四兩八錢內除裁馬二十匹係照官圈餵養銀數每匹小料大建月分節存銀一兩八錢三分一釐共節存銀三十六兩六錢二分坐扣藩糧二庫不領外實領銀五百六十八兩一錢八分領催前鋒馬甲二千三百名每名幫餵馬銀四錢副甲四百名每名幫餵馬銀二錢共出銀一千兩二共銀一千五百六十八兩一錢八分餵

馬四百八十匹每匹小料大建餵養銀一兩八錢
三分一釐共用銀八百七十八兩八錢八分支給
無米礮手四百名每名餉銀二兩共銀八百兩計
不敷銀一百一十兩零七錢謹按小料大建滿洲
銀四兩二錢零八釐正白正紅鑲黃正黃每旗用剩
藍每旗用剩銀六兩零三分九釐共用剩銀四十
四兩六錢五分漢軍鑲黃正黃每旗不敷銀二十
兩零五錢九分二釐鑲白鑲紅每旗不敷銀一十
八兩七錢六分一釐正白正紅正藍鑲藍每旗不
敷銀一十九兩一錢六分一釐共不敷銀一百五
十五兩三錢五分內除滿洲八旗用剩銀四十四
兩六錢五分添補不敷外實不敷銀一百一十兩
零七錢卽在大料餵
馬用剩銀內支給

夏秋小料小建月分每馬支領乾銀六錢零九釐
計應領乾銀五百八十四兩六錢四分內除裁馬

二十匹係照官圖餵養銀數每匹小料小建節存銀一兩七錢六分九釐共節存銀三十五兩三錢八分坐扣藩糧二庫不領外實領銀五百四十九兩二錢六分領催前鋒馬甲二千三百名每名幫餵馬銀四錢副甲四百名每名幫餵馬銀二錢共出銀一千兩二共銀一千五百四十九兩二錢六分餵馬四百八十匹每匹小料小建餵養銀一兩七錢六分九釐共用銀八百四十九兩一錢二分支給無米礮手四百名每名餉銀二兩共銀八百兩計不敷銀九十九兩八錢六分

謹按小料小建滿洲鑲黃正黃

每旗用剩銀四兩九錢三分二釐正白正紅鑲白鑲紅正藍鑲藍每旗用剩銀六兩七錢零一釐共

用剩銀五十兩零七分漢軍鑲黃正黃每旗不敷銀一十九兩八錢六分八釐鑲白鑲紅每旗不敷銀一十八兩零九分九釐正白正紅正藍鑲藍每旗不敷銀一十八兩四錢九分九釐共不敷銀一百四十九兩九錢三分內除滿洲八旗用剩銀五十兩零七分添補不敷外實不敷銀九十九兩八錢六分卽在大料餼馬用剩銀內支給此一年餼養之銀兩細數也

舉人資助項下支給各項銀兩數目

一文武舉人進京會試每名賞給銀三十兩擬放
防禦之驍騎校及擬放驍騎校之領催前鋒並補
放筆帖式進京引

見每名賞給銀五十兩

謹按道光元年十二月內經將
軍孟佐副都統額圖輝佛安會

同總督阮元等

奏廣東駐防八旗生員應文武鄉試者其中兵丁開

散不等一經中式無不志切觀光惟距京遙遠每
於會試之年每名除例賞水腳銀二十兩零一錢
七分之外一切資斧實屬拮据即督撫鹽樞司道
等官公同幫助亦屬不敷目賭情形不得不設法
調劑議請在於各兵扣存藩庫馬價項內撥銀一
萬兩交鹽典二商每兩以一分二釐起息每月可
得息銀一百二十兩存儲旗庫如遇文武舉人進
京會試每名除例賞水腳銀二十兩零之外加賞
銀三十兩其賞剩銀兩俟積有成數陸續歸還原
款並於年終將賞過銀兩數目報部覈銷再查入

旗擬放防禦之驍騎校以及擬放驍騎校之領催
前鋒並補放筆帖式進京引

見向例均在籌備軍裝息銀項下每名賞給銀二十兩因
駐防年久生齒日繁官兵等無不艱於家計況廣
一東距京七千餘里水陸程途卽諸凡博節盤費亦
難設措較之文武舉人進京會試事雖兩途而拮
据情形則一似應一律調劑請嗣後凡遇此等引
見人員除原賞銀二十兩之外仍請在於籌備軍裝息銀
內每名加賞銀三十兩以資盤費等因具
奏

道光二年二月初六日奉

上諭孟住等奏請借項生息資助旗籍舉人會試一摺廣
東距京遙遠駐防八旗文武舉人進京會試資斧維艱
加恩著照所請准其在於扣存兵丁馬價存儲藩庫銀
內賞借一萬兩發商生息遇會試之年每名除例賞水
脚銀二十兩零外加賞銀三十兩賞剩餘銀俟積有成
數陸續歸還原欸年終報部覈銷其驍騎校領催前鋒
及筆帖式進京引見各員除原賞銀二十兩外亦著加
恩在籌備軍裝息銀內每名加賞銀三十兩以示體恤
該部知道欽此欽遵抄出到部相應行文廣州將軍欽
遵辦理

道光六年十二月內准戶部咨開查舉人資助項

下現在既已積至五千餘兩應遵照原奏先行解交藩庫歸還銀五千兩其餘未還銀五千兩仍俟積有成數再行歸欸等因遵卽將五千兩解交藩庫

道光十一年正月內准戶部咨開查廣州旗庫現存資助銀五千一百餘兩應令遵照奏案卽將未歸原借本銀五千兩解交藩庫以清借欸等因遵卽解交藩庫清還借欸

道光十八年六月內經將軍德克金布副都統奕湘英隆等奏向在籌備軍裝項下賞給引

見人員資助銀兩請改入文武舉人會試盤費項內動支

硃批該

部議奏欽此隨於道光十八年十一月內准戶部咨開查該將軍原奏內稱廣州駐防旗營擬放防禦驍騎校等官進京引

見賞給

銀五十兩向在籌備軍裝項下動支現在本欸不敷支用請改入文武舉人資助項內賞給等語查籌備軍裝現只存銀五錢有零又武舉人資助現存銀八千九百餘兩本欸實屬充裕若將旗員進京路費並入此欸動支通盤覈算亦屬有盈無絀應如該將軍所請將引

見人員賞給盤費銀兩改歸文武舉人資助項下造報等

因覆奏奉

旨依議

欽此相應轉行該將軍欽遵辦理

道光二十四年四月內准戶部咨開查資助盤費

一欸除舉人會試盤費毋庸議減外其官員盤費銀兩應減平支給卽將所扣平銀按季解交藩庫

彙款解部

咸豐九年二月內准戶部咨開資助項下支給文

武舉人會試盤費銀兩暫行停止

同治二年十月內准戶部咨開查資助一項當時

原爲體恤旗籍士子而設所有進京會試各舉人

每名資助銀三十兩應自壬戌科起照舊支給以

示體恤

恤

一世襲雲騎尉恩騎尉及承蔭監生進京引

見每名賞給銀五十兩

做照引見防禦驍騎校之例賞給

一文舉人進京大挑及繙譯舉人進京會試每名

賞給銀三十兩

謹按道光二十四年十二月內准戶部咨開各省駐防停止文闈所

有文舉人赴京大挑者准其每名支給資助銀三十兩其水腳銀兩係地丁正項自不應支
道光三十年正月內准戶部咨開嗣後滿漢八旗遇有繙譯舉人進京會試除例得水腳銀二十兩零外准照文舉人會試之例每名賞給資助銀三十兩
咸豐九年二月內准戶部咨開文武舉人會試盤費銀兩暫行停止至文舉人進京大挑繙譯舉人進京會試盤費應照案停支
同治二年十月內准戶部咨開查資助一項當時原爲體恤旗籍士子而設所有進京會試各舉人每名資助銀三十兩應自壬戌科起照舊支給以示體恤

一中式繙譯舉人每名賞給盤蓋等項銀三兩八

錢

謹按道光三十年正月內准戶部咨開中式繙

譯舉人應給盤蓋公服等項奉部發到榜文已逾筵宴之期若由地方官另辦實費周張准其在於資助項下每名支給銀三兩八錢發交該舉人自行備辦造入資助案內報部覈銷
再如遇停止筵宴之期每名覈減銀七錢六分賞

給銀三兩零四分
咸豐九年二月內准戶部咨開備辦盤蓋公服等
項銀兩應覈減五
成支放免其扣平

一製造旗營官兵捐造擡槍操演藥鉛每年支給

工料銀三百四十二兩六錢六分二釐五毫六絲

八忽七微五纖

謹按同治三年十二月內經將軍瑞麟副都統庫克吉泰海春等

奏准

廣州駐防官兵捐造擡槍五百桿每年製造操

演火藥鉛彈共需工料銀三百四十二兩六錢六
分二釐五毫六絲八忽七微五纖旗庫存儲修補
軍裝銀兩不敷動支請在文武舉人資助項下動

撥發交理事同知製造

再查此項銀兩每年正月內支給其製造藥鉛工

料銀兩細數由滿漢旗營
協領造冊呈請送部覈銷

一拔貢生進京

朝考每名賞給銀三十兩

謹按同治十三年正月內
經將軍長善副都統果勒

敏等

奏廣州駐防生員人數衆多除鄉試恩歲二貢外別無進取之階於同治十一年八月內經廣東學政何廷謙奏請增設貢額廩額以廣登進隨經禮部議奏准其設立廣州駐防拔貢一名在案請自癸酉科爲始遇有拔貢生進京朝考做照舉人進京會試成案賞給資助銀三十兩以資路費等因一摺奉硃批著照所請該部知道欽此

旅費項下支給在京供職各項人員銀數

一文進士繙譯進士在京供職每員歲支旅費銀一百二十兩

一武進士在京當差每員歲支旅費銀六十兩

一小京官內閣中書各衙門筆帖式每員歲支旅費銀八十兩

一主事員外郎郎中每員歲支旅費銀一百二十兩

一由考取分發在京各衙門學習行走人員六品以上每年給與旅費銀一百二十兩七品以下每年給與旅費銀八十兩

謹按同治五年十二月內經將軍瑞麟副都統長順成明具

奏滿洲漢軍八旗兵丁生齒日繁家計維艱其繙譯舉人及文武舉人一經中式在京供職按品食俸除當差餉口外其旅費衣帽一切無力設措在於旗庫資助舉人盤費項下撥銀一萬兩發典商每兩一分行息每月息銀一百兩一年共息銀一千二百兩遇閏加銀一百兩按季提存旗庫如繙譯舉人及文武舉人中式進士在京供職者每名每年資助銀一百二十兩武舉中式進士在京當差者每名每年資助銀六十兩所剩銀兩陸續歸還原欸每年年終報部查覈等因一摺奉

旨著照

所請該部知道欽此

同治十三年正月二十七日經將軍長善副都統果勒敏片

奏再廣州駐防文武舉人進京會試因道途遙遠資斧維艱經前任將軍孟佳奏准借項生息遇有文武舉人進京會試每名賞給資助銀二十兩又中式繙譯進士及文武進士在京供職因所得俸銀不敷當差經前任將軍瑞麟奏准借項生息遇有中式進士在京當差者繙譯進士及文武進士每年每年賞給旅費銀一百二十兩武進士每名每年

旨依議

賞給旅費銀六十兩。歷經導辦在案。茲於同治十一年前任學政何廷謙以廣州駐防生員人數衆多。援案奏請增設貢額。廩額以廣登進。經禮部議覆。准其設立廣州駐防拔貢一名。奉欽此。欽遵。卽於上年癸酉科考取拔貢一名。應於鄉試後進京。

朝考

如考列一等。例應留京供職。奴才等伏思拔貢進京考試。與舉人進京會試情事相同。而考列一

天恩

俯念駐防旗人。跋涉進京。道途遙遠。資斧維艱。其拔貢生一項。請自癸酉科爲始。遇有進京

朝考

准照文武舉人進京會試成案。賞給資助銀三十兩。考列一等。以小京官陞用者。每年給與旅費

銀八十兩。如有考取及捐納內閣中書各衙門筆帖式與凡題選或議

及由考取分發在京各衙門學習行走人員六品

聖鑒訓示

遵行謹

硃批

著照所請該部知道欽此

奏本年四月十九日奉

一翰林院庶吉士及散館後授職編修在京當差
每員歲支旅費銀一百二十兩

謹按光緒七年六月初六日奉准戶部咨覆廣東
司案呈准廣州將軍長咨稱據協領丁德源等
呈稱右司旗庫存儲資助在京供職進士旅費一
欸係同治五年奏准在於旗庫存儲資助舉人進
京會試盤費項下撥銀一萬兩發商生息如有繙
譯舉人及文舉人中式進士在京供職者每名每
年資助銀一百二十兩武舉人中式進士在京當
差者每名每年資助銀六十兩維時並無別項人
員此欸專為體恤進士而設後經設立拔貢並有
捐納議叙等項人員復於同治十三年奏請推廣

辦理如拔貢考列一等以七品小京官陞用者每年給與旅費銀八十兩如旗人考取及捐納內閣中書各衙門筆帖式與凡題選暨議叙之主事員外郎郎中等員及由考取分發在京各衙門學習行走人員六品以上每年給與旅費銀一百二十兩七品以下每年給與旅費銀八十兩等因歷經照章支給在案近年以來復有翰林院庶吉士一項徧查兩次奏案並無專條若照推廣新章按品支給則庶吉士應領之數少於主事殊非所以體恤寒儒若仍照原奏中式進士在京供職章程又與推廣新章不符除文舉人中中式進士即用主事與中書散館改為主事書中書抑降改別項京官者均仍照新章按品支給旅費外所有中式進士欽點翰林院庶吉士及散館後授職編修在京當差者應否仍照原奏由繙譯舉人及文舉人中中式進士留京供職章程無論品級每年給與旅費銀一百二十兩抑或遵照推廣新章按照庶吉士係七品人員品級每年給與旅費銀八十兩之處理合呈請咨明戶部覈定示復遵照等情據此相應咨部查覈示覆等因前來查廣州將軍旗庫存儲資助在京供職旅費銀兩一款原為體恤進士在京當差而設今據該將軍咨稱近年有中式進士

欽點翰林院庶吉士及散館授職編修每年應如何給
與旅費銀數之處本部查從前兩次奏案雖無翰
林院庶吉士及散館授職編修專條而此項人員
雖係七品究由進士出身似與七品小京官有別
自應仍照該將軍初次具奏原案由繙譯舉人及
文舉人中式進士留京供職無論品級每年給與
旅費銀一百二十兩章程支給以示體恤相應咨
覆廣州將軍查照辦理並將支給各該員旅費銀
兩員名數目歸於該年旅費案內分晰造報查覈
可也

公用房租項下支給各項銀兩數目

一每月支給右司承辦房租紙筆銀一兩前鋒營

紙筆銀五錢右司承辦官兵借項紙筆銀一兩

均覈

減二成其餘八成再減平支放

一每月支給滿洲漢軍八旗每旗槍靶銀四錢箭

靶銀二錢前鋒營槍靶銀三錢箭靶銀一錢正五

六七封操月分每月支給滿洲漢軍八旗每旗箭

靶銀二錢前鋒營箭靶銀一錢

減平
支放

一每月支給印房茶水銀二兩

減平
支放

一每月支給滿洲漢軍東四旗清書總官學膏火

銀八兩茶水銀一兩五錢西四旗清書總官學膏

火銀八兩茶水銀一兩五錢滿洲漢軍八旗每旗
清書茶水銀四錢正月分兩翼總官學仍支膏火
銀兩均減平其兩翼總官學茶水及各旗官學茶
水銀兩均不支給

一每季支給右司修整天平法碼戩剪等項銀一
兩二錢春季於三月分支給夏季於六月分支給
秋季於九月分支給冬季於十二月分支給減平
一每年支給滿洲漢軍八旗造辦戶口冊籍每旗
銀三兩謹按此項銀兩每年於正月內支給
覈減二成其餘八成再減平支給

一每年支給右司造辦各項奏銷冊籍銀九兩一
錢謹按此項銀兩每年於正月內支給
覈減二成其餘八成再減平支給

一每年支給右司造辦本項房租咨銷冊籍銀三

兩

謹按此項銀兩每年於十二月內支給
給覈減二成其餘八成再減平支放

一子午卯酉年分支給滿洲漢軍八旗造辦編丁

冊籍每旗銀四兩八錢

謹按此項銀兩於該年四月內支給
覈減二成其餘

八成再減
平支放

一每年支給左司春操修整校場馬道工價銀七

兩七錢秋操修整校場馬道銀七兩七錢

春操於正月內

支給秋操於七月內
支給減平支放

一每年支給滿洲八旗駐礮營運礮脚夫及製辦

椿鑼每旗銀二兩前鋒營製辦柳鈴椿繩銀六兩

漢軍八旗製辦椿鑼每旗銀一兩水師旗營運礮

脚夫及製造火藥鉛彈銀十兩

謹按此項銀兩每年於十月內支給

光緒八年九月內經將軍長善副都統尚昌懋鍾泰等

奏准水師改爲步軍此項銀兩仍舊支給以爲製造子母礮藥鉛隨同大礮操演之用減平支放

一每年年終賞給右司銀庫當差各兵銀二十兩

減平支放

一歲科兩考繙譯童試支給備辦供給各項使用

及試卷紙張並中式繙譯生員花紅每屆約需銀

九十餘兩

花紅銀兩覈減五成免其再扣減平試卷紙張銀兩覈減二成其餘八成再扣

減平餘皆減平支放

一繙譯鄉試生員錄科備辦供給各項使用及試

卷紙張約需銀五六十兩

試卷紙張照前款減成減平外餘皆減平支放

一考筆帖式備辦供給各項使用及試卷紙張約

需銀三四十兩

試卷紙張照前欵減成減平外餘皆減平支放

一每年賞給春秋二操各項兵丁銀兩

謹按同治十一年春

秋二操每操擡槍陣式賞銀一百兩大隊並步營賞銀一百四十兩踈較贏者每名賞銀四錢輪者每名賞銀二錢驅馬每名賞銀四錢馬上技藝每名賞銀三錢跑馬每名賞銀五錢步營關械每名賞銀二錢五分跳牌城賞銀五錢長矛雙手帶每名賞銀二錢共賞銀三十二兩八錢水操上桅每名賞銀一兩水槍水礮督令關械每名賞銀三錢游兵每名賞銀二錢各船配操兵每名賞銀一錢共賞銀九十兩零八錢出洋操演賞給水師提標帶隊官每員五錢重銀牌二面並水師旗營兵及提標兵共賞銀八十六兩零礮營操演大礮擡礮子母礮砂礮各兵共賞銀一百二十六兩零五分均減平支放查遞年獎賞銀數多寡不等茲舉一年以便觀覽

一大閱年分支給左司製造陣圖令旗等項約需

銀三四十兩前鋒營製造裙子襠襠鞍韉標屨等

項約需銀三四十兩

減平
支放

一將軍副都統年滿進京隨帶官兵每員名支給

騾價銀三十兩

如護送棺柩回京官兵
亦一體支給減平支放

一協領卓異及年滿進京並保陞記名調取

召見隨帶兵二名每名支給騾價銀三十兩

減平
支放

一佐領卓異及補放協領防禦卓異及補放佐領

進京隨帶兵一名支給騾價銀三十兩

減平
支放

謹按協領佐領防禦等官進京得支隨帶兵騾價

銀兩由將軍福昌咨部請照杭州駐防之例辦理

嘉慶十七年十二月戶部為咨請等事廣東司案
呈准廣州將軍咨稱廣州至京七千餘里水陸綿
長凡遇進京引

見人員隻身跋涉實屬危險欲帶兵丁隨往則自顧盤

費維艱查杭州駐防引

見人員准帶兵丁隨往職等公同酌議請照杭州駐防

之例凡遇協領進京引見擬帶甲兵二名佐領補放協領及防禦補放佐領進

京引見各擬帶甲兵一名照兵丁京差之例在公用房租項

內每名支給騾價銀三十兩統於公用房租冊內

報銷理合具由咨部示覆以便遵照辦理相應咨

明等因隨付查浙江司去後今准浙江司覆稱查

杭州駐防協領進京隨從兵二名佐領進京隨從

兵一名每名准給盤費錢三十串文相應付覆等

因前來查廣州駐防進京引見之協佐領等官據將軍聲明請仿照杭州駐防之例

協領擬帶甲兵二名佐領補放協領及防禦補放

佐領各隨帶甲兵一名每名支給騾價銀三十兩

統與浙江司查覆相符所有廣州駐防進京引見之協佐領等官應行隨帶兵丁支給前項騾價銀兩

亦應准其於嘉慶十五年起按照杭州駐防進京

之協佐領等官之例一體在於房租項內照數分

別動支仍於房租報銷案內分晰報部查覈可也

一支給修整各處公所以及招租房閒工料銀兩

此項銀兩各視估需銀數支給並無一定數目減平支放

謹按公用房租乾隆二十一年內經署將軍李侍堯

奏准八旗官房內有毗連民舍零星房屋不便配給兵丁居住者飭交右司招租每月所得租銀作為八旗公用原正房四百一十二間半偏厦一百四十七間計二百四十六戶編列二百四十六號每月租銀一百三十八兩二錢九分

乾隆三十七年內經將軍奏准奏准滿洲漢軍扣缺佐領官房八所飭交右司歸於公租項內收租共房二百八十間內除改作兩翼清書官學三十間旗監二十間外尙剩二百三十間計三十七戶編列三十七號每月租銀一十九兩四錢一分

道光十六年六月內經將軍蘇勒芳阿咨部覆准所有零星房屋各號內查出添蓋正房偏厦共三十九間每月加租銀一兩六錢一分扣缺佐領官房各號內查出添蓋正房偏厦共五十一間每月加租銀二兩零一分歸入本款支用每年年終在於正項房租冊內造報覈銷

道光二十四年四月內准戶部咨覆公用房租一

欵係滿漢八旗應支各項公費之用查公費一項係在減平之列自應議減並將所扣平銀按季解交藩庫彙欵解部

道光二十六年四月內准戶部咨各省書院膏火一欵均議照舊支放今該將軍季報減平冊造房租項下支給滿漢八旗清書官學茶水膏火銀兩應令嗣後毋庸減平以歸畫一

咸豐九年二月內准戶部咨覆公用房租項下支給滿漢八旗兩翼清書官學膏火茶水等銀均減平支放並支給造辦奏銷咨銷各項冊籍紙筆等項銀兩應照案覈減二成外其餘實支八成銀兩自應照舊減平以昭樽節至支給中式繙譯生員花紅銀兩應照案覈減五成免其再扣減平查公租一項通共正房偏厦八百七十九間半每月額收租銀一百六十一兩三錢二分一年共收租銀一千九百三十五兩八錢四分遇閏加增每年年終將舊管若干空租若干新收若干開除若干實存若干各細數按月分晰造冊咨送戶部覈銷

羣房地租項下支給各項銀兩數目

一每月支給將軍署內官廟香燈銀一兩七錢三

分

減平
支放

一每月支給兩翼副都統署內官廟香燈銀各六

錢

減平
支放

一每月支給右司承辦房租紙筆銀一兩

覈減二
成其餘

八成再減
平支放

一每年二月分支給將軍府祭 福神供品銀一

十六兩

減平
支放

一每年五月分支給將軍府祭 武廟供品銀二

十兩

減平
支放

一每年支給將軍修整衙署銀六百兩 減平 支放

一每年支給兩翼副都統修整衙署銀各三百兩

減平 支放

一支給修整招租房間工料銀兩 此項銀兩覲估 需銀數支給並

無一定數目 減平 支放

一遇摺差進京雙差支給盤費銀二百兩單差支

給盤費銀一百三十兩 減平 支放 如遇熱河木蘭 雙差加銀十兩單差五兩

一每年支給承辦本項房租咨銷冊籍銀三兩 減 覲

二成其餘八成 再減平 支放

如遇修整轅門黃布大旗支給工料銀二十兩 減 平

支 放

謹按羣房地租乾隆二十九年內經將軍楊甯
奏准將軍副都統署外羣房地租飭交右司招租每
月所收租銀作為資招盤費及修理衙署等項之
用計正房一千二百八十八間偏厦五百一十二
間共正房偏厦一千八百間編列五百七十一號
魚塘大小十口菜地十六塊每月收租銀一百五
十四兩一錢四分三釐又六九月年租土房正房
二百三十三間偏厦二十八間共正房偏厦二百
六十一間編列九十三號空地十段六九月兩月每
月收租銀三十六兩一錢六分四釐五毫菜地
四塊六九月兩月每月收租銀一百零八兩四錢三
分一釐

乾隆五十四年內經將軍善德

奏准滿洲漢軍副都統自行收租署外羣房地租飭

交右司一併歸入羣房地租項內收租計正房三

百七十八間偏厦二百間共正房偏厦五百七十

八間編列一百八十三號每月收租銀三十九兩

八錢又二五月年租空地一段厠坑二塊二五兩

月每月收租銀一十三兩二錢六分

道光十六年六月內經將軍蘇勒芳阿咨部覆准

羣房地租各號內添蓋正房九十九間偏厦五十

三間共正房偏厦一百五十二間飭交右司收租

每月加收租銀六兩六錢五分又六九月年租土
房內添蓋正房二十一間每年六九月兩月每月加
收租銀一兩零五分歸入本項房租支用

咸豐二年六月內經將軍穆特恩咨部覆准羣房
地租塘地內添蓋正房四十八間偏厦四間共正
房偏厦五十二間每月加收租銀二兩五錢二分
均歸入本項房租支用

以上正房二千零六十七間偏厦七百九十七間
魚塘大小十口菜地十六塊厠坑二塊空地十一
段菜地四塊每月收租銀二百零三兩一錢一
分三釐一年計收租銀二千四百三十七兩三錢
五分六釐另二五月收年租銀二十六兩五錢二
分又六九月收年租銀二百九十一兩二錢九分
一釐一年通共收租銀二千七百五十五兩一錢
六分七釐

同治十二年五月內經將軍長善副都統果勒敏
咨部覆准燕塘礮營界外餘地共計一頃六十二
畝三分二釐零三絲九忽九微一纖每畝每年收
租銀三錢每年計收租銀四十八兩六錢九分六
釐墟地茅屋一百三十間半東西並計共地七十
六弓每年計收租銀七十兩二共收租銀一百一
十八兩六錢九分六釐自同治十一年爲始每年

於九月內由番禺縣解交右司歸入本項房租支
用
以上一年統計共收租銀二千八百七十三兩八
錢六分三釐除年租外遇閏加增每年年終將舊
管若干空租若干新收若干開除若干實存若干
各細數按月分晰造冊咨送戶部覈銷

裁汰兵房租項下支用欸目

一遇摺奏稍多羣租不敷摺差盤費卽在此項銀

兩動支

減平
支放

一遇修整招租房間支給工料銀兩

謹按此項工
料銀兩視估

需數目支給並無一
定銀數減平支放

謹按裁汰兵房租乾隆四十一年內經將軍永璋
奏准請將裁汰滿洲八旗馬甲三百缺兵房九百間

以六百間飭令該協領等查明實無倚靠孤寡人
等賞給居住外其餘三百間飭交右司招租每月

所得租銀另行存儲如遇摺奏稍多差弁盤費不
敷卽動用此項銀兩將動支銀數報部查覈

查此項裁汰兵房三百間計一百零五戶編列一
百零五號每月收租銀三十兩零一錢八分

道光十六年六月內經將軍蘇勒芳阿咨部覆准
裁汰兵房各號內查出添蓋正房五十二間偏厦

二十四間共正房偏厦七十六間每月收加租銀
三兩三錢二分歸入本欸支用每年年終在於正

項房租冊內造報覈銷

道光二十四年四月內准戶部咨覆裁汰兵房租一欸係滿漢八旗應支各項公費之用查公費一項係在減平之列自應議減並將所扣平銀按季解交藩庫彙欸解部

查裁租一項共正房偏厦三百七十六間每月共收租銀三十三兩五錢一年共收租銀四百零二兩遇閏加增每年年終將舊管若干空租若干新收若干開除若干實存若干各細數按月分晰造冊咨送戶部查覈

官兵菜鹽

謹按菜鹽爲日食所必需向例每兵每年給領鹽一包每包淨重一百五十觔春秋二季分給預期移咨總督飭行鹽運司按數備足運赴各旗散放每包按官價銀四錢五分於關支後另行繳價解交運庫茲將每季所領鹽斤重數及繳價各數目詳列於左

滿漢八旗及水師旗營協領九員每員二包佐領十員每員一包半防禦三十四員每員一包驍騎校筆帖式領催前鋒甲兵礮手匠役二千三百九十員每名員名半包副甲步甲水師領催兵副工

兵木艚匠一千四百零四名每四名一包每季共
領鹽一千六百一十三包每包淨重一百五十觔
共重二十四萬一千九百五十觔每包官價銀四
錢五分共繳銀七百二十五兩八錢五分

光緒九年改水師爲步軍該營官兵菜鹽仍循
其舊水師兵改爲步甲副工兵木艚匠改爲副
步甲詳官兵額設